

# Nauatlajtoli

*Lengua náhuatl  
Tehuacán, Puebla*

Tercer grado



NOMBRE DEL ALUMNO (A)

## **ESCUELA**                           **GRUPO**

## POBLACIÓN

## ENTIDAD FEDERATIVA

Este libro de texto ha sido elaborado por el Gobierno de la República y se entrega en forma gratuita a los niños de las escuelas primarias del país.

Los juicios y opiniones de los maestros, de los padres y de los alumnos son muy importantes para mejorar la calidad de este libro. Sus comentarios pueden ser enviados a la siguiente dirección:

COMISIÓN NACIONAL DE LIBROS DE TEXTOS GRATUITOS

Rafael Checa núm. 2 col. Huerta del Carmen  
C.P. 01000, México, D.F.

Las obras de arte que ilustran las cubiertas de los libros de texto gratuitos son representativas de las grandes etapas del arte mexicano. Constituyen un valioso respaldo educativo y son motivo de orgullo nacional.

SEP

Libro de texto en lengua náhuatl de Tehuacán, Puebla  
Elaborado en la Dirección General de Educación Indígena de la Subsecretaría de  
Educación Básica de la Secretaría de Educación Pública

Autor  
María Antonia Orlando Rojas Alta

Diseño y Formación  
Clara Susana Hernández García

Ilustración  
Jaime García

Fotografía  
Archivo Iconográfico de la Dirección General de Educación Indígena  
y Víctor Sánchez

Ilustración de Portada  
"Lucía y su huipil", 3.47 x 5.43 m  
Pintado por los niños tseltales de la comunidad  
Sibactel-Chacoma, Tenejapa, Chiapas:  
Domingo Meza Girón, Adolfo López Luna, Alfonso Hernández Meza, Javier Meza López,  
Jorge Meza Girón, Alfonso Santiz Jiménez, Alfredo Jiménez López, Diego López Intzin,  
Javier Jiménez López, Nicolás Meza López, Alfonso Meza López, Miguel Meza Jiménez,  
Martha Meza Jiménez, María Girón Luna, Verónica Meza López, Catalina Hernández  
Méndez, María López Gómez, María López Jiménez, Petrona Gómez Santiz, Petrona  
Santiz López, Lucía López Santiz y Rufina Gómez Meza.

D.R. © Colorín Colorado. El arte de los niños indios. México, 1993  
Reproducción autorizada por el Fideicomiso para la  
Salud de los Niños Indígenas de México, A.C.  
D.R. © Secretaría de Educación Pública, 1997  
Argentina No. 28  
Col. Centro, C.P. 06029  
México, D.F.

**ISBN 978-970-18-0954-9**

Segunda reimpresión 1999  
Décima quinta reimpresión 2013

Impreso en México



*La Patria* (1962),  
Jorge González Camarena.

Esta obra ilustró la portada de los primeros libros de texto. Hoy la reproducimos aquí para que tengas presente que lo que entonces era una aspiración: que los libros de texto estuvieran entre los legados que la Patria deje a sus hijas y a sus hijos, es hoy una meta cumplida.

**A** seis décadas del inicio de la gran campaña alfabetizadora y de la puesta en marcha del proyecto de los libros de texto gratuitos, ideados e impulsados por Jaime Torres Bodet, el Estado mexicano, a través de la Secretaría de Educación Pública, se enorgullece de haber consolidado el principio de la gratuidad de la educación básica, consagrada en el Artículo Tercero de nuestra Constitución, y distribuir a todos los niños en edad escolar los libros de texto y materiales complementarios que cada asignatura y grado de educación básica requieren.

Los libros de texto gratuito son uno de los pilares fundamentales sobre los cuales descansa el sistema educativo de nuestro país, ya que mediante estos instrumentos de difusión del conocimiento se han forjado en la infancia los valores y la identidad nacional. Su importancia radica en que a través de ellos el Estado ha logrado, en el pasado, acercar el conocimiento a millones de mexicanos que vivían marginados de los servicios educativos y, en el presente, hacer del libro un entrañable referente gráfico, literario, de conocimiento formal, cultura nacional y universal para todos los alumnos. Así, cada día se intensifica el trabajo para garantizar que los niños de las comunidades indígenas de nuestro país, de las ciudades, los niños que tienen baja visión o ceguera, o quienes tienen condiciones especiales, dispongan de un libro de texto acorde con sus necesidades. Como materiales educativos y auxiliares de la labor docente, los libros que publica la Secretaría de Educación Pública para el sistema de Educación Básica representan un instrumento valioso que apoya a los maestros de todo el país, del campo a la ciudad y de las montañas a los litorales, en el ejercicio diario de la enseñanza.

De esta forma, el libro ha sido, y sigue siendo, un recurso tan noble como efectivo para que México garantice el Derecho a la Educación de sus niños y jóvenes.



# **Nauatlajtoli**

*Lengua náhuatl  
Tehuacán, Puebla*

*Tercer grado*



# PRESENTACIÓN

Este libro de texto está dirigido a las niñas y los niños indígenas que cursan la educación primaria, tiene el propósito de favorecer el aprendizaje de la lectura y escritura de la lengua indígena que se habla en su comunidad.

Se espera que este libro sea utilizado en forma creativa, tanto por el profesorado como por las niñas y los niños, en este ciclo escolar y los subsecuentes, para dar respuesta a los problemas particulares que se presenten en el desarrollo de la expresión escrita y la comprensión lectora.

En el libro se encuentran diferentes textos, algunos hablan del entorno físico de los alumnos, objetos y cosas que hay en la comunidad, y otros se refieren al entorno social y cultural, pues relatan las costumbres, fiestas y leyendas de la región.

Su elaboración estuvo a cargo de profesores indígenas bilingües con experiencia en la enseñanza de su lengua materna, así como con un profundo conocimiento de la cultura de sus comunidades. Para la redacción, los autores consideraron el enfoque comunicativo propuesto en el *Plan y Programas de Estudio para la Educación Primaria 1993*.

El libro de texto podrá ser enriquecido a partir de las observaciones y consideraciones que profesores, padres de familia, comunidades y organizaciones civiles indígenas, realicen acerca del lenguaje utilizado, los contenidos, las ilustraciones, el formato y la presentación.

# **TLAIXPANTILISTLI**

Ni amochtli tlen maseuatlajtoli, kiuika iyejyekoli tlen ome xiuitl tlamachtilistli tlen koneme kiselia ipan chikuase xiuitl, mochiua pampa moneki makuali kixpouaka iuan kijkuiloka imaseualtlajtoli, lijkuak; se konetl kixtlamachtia ika imaseualtlajtol okachi totoka kitilia pampa ika ye tlajtoli motlapouia.

Ni amochtli okichijike maseualtemachtijke akin kipia miek xiuitl tekipanojtoke iuan koneme iuan kipia miek ixtlamatijkayotl ika intlajtoli iuan inemilis, Omochi ika itlanauati amatlayekanketl tlen chikuase xiuitl tlamachtijkayotl tlen okiski ipan naui tsontli iuan kaxtoli iuan pouali iuan majtlaktli iuan eyi xiuitl, iko tejua tikpia se yenkuik amatlajkuiloli tlen kineki koneme ijtk kaltlamachtilistli, iko yaui nochi tlaixmatijkayotl ipan tlamachtilistli yejo tlen kineki ya tlanauatili tlen yenkuik tlamachtilistli.

Ni amochtli itlayejyekoli uelitis mopatlatias, achto moneki motekipanos itech kaltlamachtilidtli iuan uelitis moyektlalis tlamonekilis. Omejua onkoneme iuan omoixtlamachilis kijtos.

Nochi tlen kijtoske yejua temachtijke, tetajme altepeme iuan okseki tlanechikolmaseualtlakame tikinkakiliske iuan tifyekchiuaske ni amochtli.

Tikintlasojkamatilia miek nochti maseualtemachtijke, nochti maseualtlayekanke iuan tetajme tlen iuan otikitake ni amochtli tlen ome xiuitl tlamachtilidtli tlen omochi ika maseualtlajtoli iuan nika omotlali nochi omoixtlamatis.



Nicolás Bravo  
Vicente Guerrero  
Santiago Miahuatlán  
Tehuacán  
Altepexi  
Zapotlán Salinas  
San Gabriel Chilac  
Caltepec  
San José Miahuatlán  
Ajalpan  
San Antonio Cañada  
Zoquitlán  
Coxcatlán  
San Sebastián Zinacatepec  
Eloxochitlán (El Mirador)  
Tlacotepec de Díaz  
Coyomeapan



EBLA

# ÍNDICE

①	TEPAJTIJKETL NANA TONCHIS	12
②	TLATEMOUANI	20
③	IJKUAK TOKALO NOCHA TEPEXILOTLA	28
④	YIUEJKIKA TEOTLANELTOKILISTLI	36
⑤	TATA ROSENDO TEKIPANOUA ITECH ITLALA	44
⑥	ITLAJTOLPOUALO TEPEKUESKOMATL	52
⑦	TLATOKALITSIN MEMO	60
⑧	KALCHANEK SÁNCHEZ CHIKICHIUA	68
⑨	JUANITA YAUI KALTlamachtilistli	76
⑩	MIKAILJUITL	84
⑪	MIGUEL IUAN CARLOS KOIJTOKA	92

12	MASATL	101
13	NOKOJKOLTSI TATA PANCHOTSI	108
14	NANA JOVITA TLANEMAKA IUAN TLAPATLA	116
15	TLAKAME TLEN OXOCHITLAKATKE	124
16	XINOLA IUAN TLALKIMICHI	132
17	TOPAXIALOLIS IKIXTLAUAK	140
18	PEDRO MOMACHTIA IPAN EIXPA TLAMACHTILISTLI	148
19	CHANEKJE TOMIYEJKE	156
20	ANDRETSI IUAN TLATEUILOLI	164
21	ISELTI CHOKOTSI	172
22	TLANECHIKOLT LAJTOLPANOLIS OLIN	180
23	TEJUA TINAUATLAJTOANI	189




1



## TEPAJTIKETL NANA TONCHIS

Momati se siuatl iuan se tlakatl kipia se takotsi tlen axka yokitlami kaxtoli xiuitl; ijkuak okipiaya majtlaktli xiuitl sailiuis omokokouaya, okikokouaya itsonteko iuan opejki amo oktlachia iuan itajtsi iuan inantsi tluel omotekipachouaya iuan ochokaya pampa amo omomatia tlani okipiaya ipiltsi. Yejua chanti i tech se ueyi altepetl itoka Mexko; iuan ompa okimi take mieke coyotepajtijke iuan sekime okijtouaya nikokachi kuali makimitaka oksekime tepajtijke pampa yejua amo okaxiliaya ikokolis iuan oksekime okijtouaya nikokachi kuali makichiaka ye tonali kema oixpoliuiskia intakotsi pampa amo okpajtis.

Ijkuak yokimitake mieke tepajtijke omoyolopachojke iuan okijtojke kuali kajki kichiaske ye tonali kemania oixpoliuiskia intalkotsi iuan okijtojke nikamo ompa Mexko okitokaskia pampa amo ompa incha iuanokiyejyekojke kiukaske ialtepe itoka Koyomeapa -ijko-oualeuake iuan oejkoke ompa Teuajka iuan ompa omoseuljke iuan ipan okse tonali okitskijke ojtl iuan itech teposnejnenketl okixmatke se nanantsi iuan okintiajtlani -¿Kani onyaui?-



luan inantsi takotsi chokatok okinankili tejua tiaui tocha itoka Koyomeapa pampa totakotsi sailiuis mokokoua iuan otechiljuijke mieke koyo tepajtijke amo pajtis iuan matikchiaka tonali kema ixpoliuis; -uan nanantsi okimiljui- ,tleka amo onpanoua ompa itech altepetl itoka koskatla ompa chanti se nantsi tepajtiani kitokayotia nana Tonchis ye chanti ompa kanin yaui ojtli tlen techuika ikompa Sokitla; inantsi takotsi okinankili:  
axkantsi iuan nimotlapouis nototata iuan tiaske tikitatiui ye nana tepajtijketl. Ijko okichijke ikuak oeijke ompa koskatla okitato ye nana Tonchis sanokimitak iuan okintajtlani tlani okinekia iuan yejua okinankilijke nikokinekia makimitili intakotsi tlani kipia. Ye nana Tonchis iuan takotsi okalake kalijtik iuan itataua takotsi omotlalijke kaltepa. Ompa kalijtik okipopo ika se tepalkatl iuan okitak nikotlapouik itsonteko; ikuak ni okitak, okipacho sentetl, okitsaki itsonteko iuan okitsajtsili; ikuak otlanki okipajti okiljui takotsi makochi, mamoseui iuan ikuak oisaskia ye okijtoskia kenomi momachilia iuan yejo okichi takotsi iuan ikuak oisak sanima okijo niksekintsi yotlachiaya iuan amo okokikokouaya miek itsonteko; okokiukake miek tonali makipajtika iuan axka ye takotsi ichpotsintli iuan chikauak, iuan itatatsitsiu sailiuis paktoke pampa amo oixpoliuik kenomi okimiljuijke yejua koyotepajtijke iuan ompo okimomachili ye itajtsin takotsi niktomaseual ikniua nuijki tepajtiani iuan imixtlamachilis nuijki kuali.

XILONEN

## TLAJTLANILITIISTLI

Tlayotikpo kuali tlajkuolijtolistli nana Tonchis  
Tepajtijketl nika xikikuilo noch i tlen  
timitstlajtlania.

1.- ¿Konomi motokayotia tepajtijketl?

---

---



2.- ¿Tlani okipanouaya takotsi tlen axka  
yikipia kaxtoli xiuitl?

---

---



3.- ¿Tlen itech okitak nana Tochis kani  
okikokouaya takotsi?

---

---

---

4.- ¿Keski tonali okokiukake takotsi makipajtika?

---

---

---



5.- ¿Tlen okimomachili ye itajtsi takotsi ijkuak  
okitak nikyomopajti ipiltsi?

---

---

---

---



Xikintlajtlani motataua tlen kokolistli ueli kipajtia ika nime xiujme.



epasotl



xalxokoxiuitl



kuauino

Ijkuak se itla kipoua tlen se noso aka okipanok noso sekipoua se panolistli motokayotia tlajoltlapoualistli.

Ximonechikoka naui noso makuili koneme iuan ximotlapouika tlen okseki pajtli onkixmati iuan tleno kipajtia, iuan satepa nochí tlen onmotlapouijke xikijtoka inauak oksekime koneme iuan inauak omotemachti.



Xikijtoka kani onkate xiujpajme iuan kani se uelis kintemoti iuan se uelis kintekis; nuijki xikijtoka kani yetikate tepajtijke iuan kenomi tepajtia.

---

---

---

---

---



Achto ximotlapouika omojome iuan satepa inauak oksekime koneme xikijtoka tlen onmotlapouijke pampa yejua nuijki kijtoske omonauak tlen omotlapouijke.

Kate sekime tlapoualme tepakiltijke, kualtsitsinti, tepinauilijke, tepijpinatijke, nuijki onkate sekime tlen tekualanijke, temojmoujtilijke tekipacholtijke. Itech nochti tlapoualme, sanima mokaki iuan mota tlani se motlapouijtok pampa tiktemouilia noso tiktlejkoltilia ichikaualis totlajtol.



Panoltijsino



Panoltijsino



¿tleka tlauel  
otikosauia?

onechmojmoujti  
se itskuintli  
okanechia nechkuas





axka xikitati se  
tepajtijketl  
mamitsajtsili

kajki, yejo  
nikchiuas.



timota okekentsi

kuali kajki, timota



### KUALI TLAPOUALISTLI

Ijkuak momaka ni kuali tlapoualistli moneki amo sanaki tlapouas uelika moneki mayeto se akini kitemakas ye tlajtoli iuan akini kijtos akini yiuelis tlajtos. Tlatikneki ni kuali tlapoualistli kuali mouika moneki tikchiuaske nochi tlen nika ijkuilitok:

- Se kikakis nochi tlen tlayekanketl kijtoua.
  - Tlase kinekis tlapouas, moneki se kitlajtlanilis ye tlayekanketl (uelitis se kajkuanas toma).
- 
- Moneki mase kinkaki nochti tlen tlapouaske.
  - Nochi tlen oksekime kijtoske maski amo kuali, uelika matikakika iuan amo tikinkuatlapololtiske, nosotikinpinauiske.

Ximonechikoka makuili noso chikuase koneme iuan ximotlapouika itia tlen nochti omejua onkiuelitaskia onmotlapouiske. Xikchiuaka nochi tlen tomechiljuia tlakpak kani kajki kuali tlapoualistli.



**Ijkuak se peua tlajkuiloua moneki se kitlalis se ueyi kakistli.**

Nika xiktlali kenomi te tikitilia ika motlajtol tlen kijtosneki Tlajtoltlapoualistli, tlapoualistli iuan kuali tlapoualistli iuan xikinchijchiuilli se tekitl.

### TLAJTOLTLAPOUALISTLI




### TLAPOUALISTLI



### KUALI TLAPOUALISTLI



Nika xikikuilo katliye pajtli okachi onkinejneki pampa uelitis okachi totoka onmopajtiske iuan xikijo tlempa. Xikchiua kenomi se tlajitoltlapoualis, iuan xikixnexti seki maseualpajtli iuan seki koyopajtli iuan nuijki tepajtijke tlen okachi onkate ompa moaltepe.



# 2




## TLATEMOUANI

Techtlapouia tokojkoljua yiuejkika okatka se tlakatl okiuelitaya tlatemos; kijta semi oyajki iuan itskui kanin koujyo otlatemoto, opanok se kuinaltsi itskuintsintli opejki nanalka, ikuako tlakatl omoyejyeko -notskui yokasik masatl-okitokak ika itepos pampa omoyejyeko kimiktis masatl.

Se tonali onentoka, iuan itskui okachi uejka okikakia, okachi tiotlaki amo okokikakia kanin nanalkatok itskui, okitemojtineneki itech nochin kuaujyo, pampa miek okitla sojtlaya; satepa okinekia mokopas kanin ochantiaya iuan amo okasik ojli, omopolio i tech kuaujyo, ikuak kanokimomachiti amo okuaujyo nentok, ixpa oneski se ueyi altepetl, kualtsin kenomi se ixtlauak; intlatemouani opejki nemi itech altepetl iuan okinamiki se tlakatl; ye tlakatl okitlajtlani -¿tlen tiktemoua?- tlatemouani okinankili - Niktemoua notskui, iknika ouala nanalkatiuits, ye tlen axka amo oknikasi; -tlakatl okitlajtlani oksejpa- ¿kenomi kajki motskui? - kostik-okijto tlatemouani- ikuakon tlakatl okiljui tlatemouani, xiuiki, nekajki se itskuintli kostik, uelitis ye moaxka; tlakatl okiuikak tlatemouani ompa itech se ueyi kali, tlatemouani okalaki iuan okitak itskui pilkatok ika se teposmekatl, ixpa okatka se kixtiano, i jkuak tlatemouani okitak itskui ochokak iuan okitlajtlani kixtiano; -¿Tleka onkipilojke notskui?

Ikuako kixtiano okinankili- xipano nepa kalijtik iuan tikmatis tleka otikpipilojke motskui.





Tlatemouani opanok okse kalijitik iuan okitak tlaltipa mieke yokame; okimitak masame, tochime, iuan oksekime yokatsitsinti, nochti yejua kokoxke.

Tlatemouani otlaajtlanki -¿Tlen kijtosneki?-

Klxtiano okinankili -¿amo tikmati?-

Nime yokatsitsinti tejuatsin iuan motskui onkinkojkojke, motskui tikiknomati iuan nime toyolkatsitsiua amo tikimiknomati -¿tleka ijko onkintoktia? sekime onkinmiktia oksekime onkinko jkoua -¿tleka ijko onkintoktia?

Tlatemouani omomoujti, okiski, se kuinali onenki iuan sanina okasik ojtli iuan oyajki icha, ikuak okalakito ikalijitik itenantsi okitlaajtlani -¿kanin otikatka,- tikpia ome tonali otitlatemoto iuan motskui ¿kanin kajki?; tlatemouani opejki choka iuan opejki kitlapouia kenomi omochi; opanok eyi tonali tlatemouani omiki. Altepetylakame okijtojke tlaye amo otlapouaskia tlen omochi, amo omikiskia, tepekixtlanojme okiyoluilkake.

Okinechiko ye temachtlijket!

ISMAEL GAMBOA



Nika xikimijkuilo nochti tlajtolme tlen amo tikimixmati iuan kate itech tlajkuilopoualis tlatemouani:



---

---

---



Nochti tlajtolme tlen nika otikimijkuilo xikimititi oksekime konemachtijke tlen iuan timomachtia iuan motemachtia pampa yejua uelitis mitspaleuiske iuan mitsiljuiske tlani kijtosneki.

#### TLAIXNEXTISKAYOTL IKA TLAJTOLI


Se tlaixnextiskayotl uelitis se kitemakas ika tlajtolli noso ijkuilitos. Uelis se kitemakas itlaixnextiskayotl se yolkatl, se tlamantli, se tlakatl, se altepeko noso se panolistli.

Ijkuak se kixnextia itla noso aka ika tlajtolme tlen kikaki noso kipoua sanima ueli kimopantia kenomi kajki.



#### TLAJTLANILITILISTLI

Nika xiktlali tlani okachi otikuelitak tlen tlajkuilitok itech tlajkuilopoualis tlatemouani.



---

---

---

Nika tikjkuilos nochti tlen timitstlajtlania

¿Kani oyajki tlatemouani otlatemoto?

\_\_\_\_\_

¿Akini okipolo tlatemouani ijkuak otlatemoto?

\_\_\_\_\_

Nika xikijkuilo itlaixnextiskayotl kani oyajki tlatemouani otlatemoto:



---

---

---

---



Te xikijto katlijejme yokame okintemouaya tlatemouani.

---

---

Nika xikijkuilo itlaixnextiskayotl tlatemouani:


---

---

---

---

Xikixnexti se tlatemouani, uelitis tikintilanas tlaixnextilme tlen nika nestoke:



luan motataua iuan oksekime tlakame tlen chanti ompa  
moaltepe xitlajtlani katliyejme yolkame yiuejkika okatka iuan  
okintemouaya yejua tlatemouani, iuan axka amo okonkate.



---

---

---

---

---



#### TLAIXNEXTISKAYOTL IJKUILITOK

Ye tlaixnextiskayotl tlen mojkuiloua iuan akini kipoua nuijki sanima  
kimopantia kenomi kajki. Santleno tlamantli uelitis se kitemakas  
itlaixnextiskayotl.

**Ijkuak te tikchiuas se tlajkuilpoualis nochti kakisme  
xikinchijchiua uejueyi, ijkuak tiktlalilis itoka.**

Nika timitstlalilia itlaixnextiskayotl se yolkatsintli; xikpoua iuan  
xikixnexti kualtsi ijlik tlatsakuali.

- kinpia naui imaua.
- ome inakasua sailiuis moketoke
- Ijkuak kimopantia noso kimomachiljuia  
nikompa nemi tlatemouani, motochoua itlatlampa tetl, kanin  
tlakoyo pampa amo kasiske.



Xikintlajtlani motataua yiuejkika ¿tleka otlatemouaya?

---

---

---



Iuan axka ¿tleka oktlatemoua?

---

---

---


Te ¿tlani tikyejyekoua? ¿kuali kajki oktlatemoua noso amo?  
¿tlampa?

---

---

---

Nika xikijkuilo itlaixnextiskayotl yolkatl tlen nika ixnestok



---

---

---

---

---

---

---

**Ijkuak se kichiua se tlaixnextiskayotl, moneki se kitlalis kani mokaua, keyechi, ni kijtosneki iueitilo, nuijki noch i len ompa onka iuan kenomi kate.**



Xikpoua ni tlajkuilopoualistli

#### UEYI TEPETL

Itech se ueyi tepetl kate mieke yokame, kenomi: tochime, epame, ketsome, kouame iuan miek okseki yokame; nuijki onka miek koujyo kani tletlejko sekime yokame.

Ijkuak ejko ikompa aka tlatemouani, nochti yokame motlatia iuan ijko amo ueli totoka kinkitskia noso kinmiktia.


#### XILONEN



Ijtik ni tlatsakuali xikixnexti noch i len kijta tlajkuilopoualistli.



Nochti omejua xikchiuoka nochti tlen kijtojtok tlajtolpoualistli ye  
omotemachtli omechpaleuis iuan omechiluis tlani onkichiwaske



Ika ye kuali tlapoualistli nochti omejua ximotlapouika iuan  
xikijtoka onkiuelitake noso amo tlen omejua onkichiijke.

Nika xikikuilo nochti tlen te otikchi iuan nuijki xikijto tlani  
otikuelitaskia tikchiwas.



# 3



## IJKUAK TOKALO NOCHA TEPEXILOTLA

Ne nikmati nikijuak tokalo ompa nocha kichiua kenomi se ueyi iljuitl. Tatame kana ipan eyi tonali acho asiti tonali tokalos, kintemotui-tlakeualti, sekime sankinmakopa pampa yokinmatlanki, sekime yikin kinmatlaniske iuan satepa kinmakopaske, oksekime kintlaxtlaui intonal. kimaxitia kana kaxtolti pampa ualmoneki matlami tioxauai ipan se tonali pampa tlakana eyi noso naui tonali tlaxaua chichikopankisa toktli.

Tlayoli kojxiula, kineneloua tlayoli ika okotsotl ijko sesemi matsiui tlayoltsitsinti; oksejpa kineneloua ijlik tlkonextli mamokajkaua iuan okachi machichia ijko kuali oxio tlayoli amo kikuaske tekuanime, amo kikixtis ayotochi noso pesojtl.

Kualka kipeualtia tokatiui iuan tekome tlayekantitui. Asitiui tlala satlaxipetska, sanmotlalojtok ejekatl, amo oktlachinolo pampa yotlatatlak noch i tlajsoli.

Tlajchinoua tlamo kikuaske tliltotome noch i toktli iuan amo pankisas.

Nochti tlen tlatoxatiui kiuika ikuauitskouitl tlen ika koyotlajtoli kitokayotia kauador kikechpanojtui iuan kisekanojtui nuijki intana noso ye ayotochtekamatl, ompa kitlalia ye xinachtli, tlayoli oxio.



Ijkuak tlatoka moualtoka sesekantsi, pampa ijkuak yinaui yokitlali okseuits ikuilapa, nuijki ijkuak ni tata yokintlali kana naui tlayers okse uits ikuilapa ijkoo ajachitsi kualtsi ualmotekpana yikimatoke kenomi tokalo, se kuitlanextli tlen ompa tejua ye kitlapouia, kimachtitiui. kana tlajko tonali kinotsa nochti makimokualtika se itlaxkaltsi ipan etsintli iuan ika moyolchikaua ika tlakonili. Ijkuak yotlakuajke oksejpa kipeualtia iuan moseuia ijkuak yotlanki otlatoke. Sekime tlakame kiuika tlakotl tlen youaki, kitemaktilia pampa ikmotlasojkamatilia pampa okinmakake intlakualtsi. Kalijtik nuijki miek tekitl mochijtok; pampa tenantsitsinti yomononotske pampa kitlaliske miek tlaxkaltsintli iuan tamaltsintli; monechikoua kana makulte tename iuan chikauak tekichiua. Se tenants iau ikuak kikuiti tamalxiuitl ye uelikmoli ika kikimiloua tixtli; okse nanantsi tixkuechoua iuan okse tlayersana; okse tenants kinauati makimijimikti totolime noso kaxtilti, kimijuiokixtis iuan kinketsas ijlik se ueyi xoktsintsi, Okse tenants pampa saillius kimatli tlakualchiwas ye kitlalia nochiiajuiaka tlakuali. ye nuiki kitliuatsa nochti tlapajyotl iuan patlakchili. Kinauati se tenants machilkuecho iuan matlapajyokuecho, iuan ijkuak tlamis tlakuechos kitemaktilia yikuechitok. Tlakualchiuani kiuatlalia ipan tlitl se ueyi ikax iuan ijkuak yototoniak ye chiauak tlatsoyonia iuan kiayotia ika kaxtili iayo. Ijkuak ejko tlakeualti ompa kalijtik, naname kinotsa mapanoka nochti pampa yimotlakualtske ipan tlapechtlakalo. Totonik moli iuan tamaltsintli Tlayotlanki omotlakualtijke ualmotlasojkamatilia nochti iuan satepa yau iinchaa. Ijko tejua tocha, ijkuak titlatoka kenomi tlaljuiti, nochti tejua titlakualchiya pampa tlamo titetlamaka oksemi amo okaka tlanankilis techpaleuis.

OKIJKUILO:  
ALFREDO PONCE CAVANZO




## TLAJTLANILITILISTLI



Ika ipaleuilis omotemachtli xikpouaka ni ijtolistli, sejse kipouajtias chikauak iuan nochti oksekime kipouajtiaske ika ixtololoua.

Nika xikijkuilo nochi tlen otikitili ni ijtolistli iuan xikijto tlani okachi otikuelitak.



Xikijkuilo nochi tlen timitstlajtlania

¿Kenomi motakoyotia ni ijtolistli?

¿Kenomi kintlaxtlaquia intonal tekipanojke?



¿Tlen ika kineloua tlayoli pampa amo kikuaske tekuanime?

---

---

¿Kana keski tekipanojke kintlakeua?

---

---

¿Tlani kitlalla ijlik itana noso ijlik layotochtekomatli?

---

Nika xikijkuiloka tlen tlakuali onkikua tlen  
mochijchiua ika tlayoli.



---

---

---

---


---



#### TLAJTOL TLANECHIKOLIJTOLIS

Ni tlajtoli monechikolijtoua. Ijkuak moijtoua se tlajtol kenomi ni tlen kijtojtoke ualeua nochti tlajtoua iuan ualeua mopapatla iuan ijko tlen kinkaktok ika miek pakilstli momatlatlaxkaloua pampa kualtsi mokaki.

Nochti omejua xikintlajtlanika omonantsi iuan oksekime naname tlen okse tlakuali ueli mochiua ika tlayoli: ijkuak okelotl, ijkuak kamaauak iuan ijkuak youaki, ni kijtosneki ijkuak yisintli.



---

---

---

---

---

---

---

---

---

Xikijkuiloka itech ni amochtli, tlen okse tlamantli kitoka ompa  
omoaltepe iuan akime tekipanoua.



---

---

---

---



#### TETSAJTLAJTOLPAMITL

Ijkuak itla panoua iuan tejua tomotetsauia, uelis panos itla kualtsi,  
pakilistli, tetsauilistli, tekipacholistli.

#### CHOKOTSI TEKIPANOUANI

(xochitlajtol)



Onka se chokotsi  
kipia naui xiuitl  
ijko tsikitsi kuali tekiti  
¿tlen kichiua?  
¡tlatoka! ¡tlatoka!  
kitoka tlayoli.

Onka se chokotsi  
kipia naui xiuitl  
sailiuis tekiti  
¿tlen kichiua?  
¡tlaxaua! ¡tlaxaua!  
kixaua itlaltsi



XILONEN

Maomechpaleui omotemachtli iuan xikijtoka ni xochitlajtol.  
Moneki xiknechikolijtoka.

Nika xikinpanoltika noch ietsajtlajtolpamime tlen kate itech xochitlajtol chokotsi tekipanouani.



---

---

#### TLAJTLANILT AJTOLPAMITL

Ijkuak itla tikneki tikmatiske moneki titetlajtlaniske iuan ijko mochiua se tlajtlaniltajtolpamitl.

Ika ipaleuilis omotemachtli xikchiuaka itlanextiliskayotl se xinachtli (etl, tlayoli).

Nika xikijkuiloka kenomi onkichijke.

---

---

Xikimijkuilo eyi tlajtlaniltajtolpamime

¿ \_\_\_\_\_ ?

¿ \_\_\_\_\_ ?

¿ \_\_\_\_\_ ?

**Ni okuilintsi (,) ijkuak titlajkuiloua iuan titlapoujtiui tiktlalia; nuijki motlalia ijkuak titlajkuilojtoke iuan tikneki tiksesekatiliske tlajkuiloli.**

Ika se tlajtlaniltlajtolpamitl ueli se:

- . Kitlajtlanis itla, santleno.
- . Ijkuak tikijtoua ika tlajtoli tkmaka okse kakistli.
- . Tiktsakua ika ome neskayotl (¿?).

Nika timitsintlalilia sekime tlajtolpamime, te xikinpoua iuan xikita nikyineli ijkuak tikintlalilia ineskayotl okse tlamatli iktikpoua.

Nochti tejua titlakualchiua.


Kineneloua tlayoli ika okotsotl.  
luan chikauak tekichiua.

¿Nochti tejua ti tlakualchiua?

¿Kineneloua tlayoli ika okotsotl?  
¿luan chikauak tekichiua?

Axka itech motlajkuilolamoch, xikimijkilo sekime tlajtlaniltlajtolpamime.

Te yitikimixmati katliyejme motokayotia tlajtlaniltlajtolpamime iuan katliyejme motokayotia tetsatlajtolpamime; nika xikimijkilo sekime iuan nochti xikintlalili ineskayotl (¿? ¡!). Tlalchi timitsintlalilia sekime tlaixnextilme te uelitis tikin tilanas intoka iuan tikintlalis itech tlajtolpamime tlen tikinchiuas.



Ximonechikoka makuili noso chikuase koneme iuan xikchiuaka se xochitlajtol.

Ijkuak yonkichiijke xikijtoka inauak oksekime koneme iuan xikpejpenaka tlen okachi onkiuelitake iuan xikjkuiloka nika.

### TOKALT LAMACH TILTSIN


---

---

---

---

---



Nochti omejua maomechpaleui omotemachti iuan xiktlan echikolijtoka xochitlajtol tlen omejua onkichiijke.

Ika kuali tlapoualistli nochti omejua xikijtoka tlani onkiuelitake iuan tlani amo ijkuak onkichiijke ni tektil: ye xochitlajtol iuan ijkuak onkinechikolijtojke.

# 4



## YIUEJKIKA TEOTLANELTOKILISTLI

Yejua mexijkame tlan yiuejkika tokniua, okipiaya iteotlaneltokilis tlen okinkajteuillijke ikojkoljua.

Iteotsi tlen ueyi omotokayotiaya Uitsilopochtli, okse ye Tlalok tlen kiauteotsi, Ketsalkoatl ye tlaixmatilteotsi tlen nuijki omotokayotiaya ejekatiotsi iuan ye teotlanexiltsi tlen omotokayotiaya tlauitskalpantekutli Nuijki okinpiaya oksekime teotsitsinti tlen omotokayotiaya Xipe Totek, Chalchiujtlikue, Sinteotl (Tlayoltelpochteotl) Chikomekoatl, Xilonen iuan oksekime Teotsitsinti.

Okinteoitaya sekime sitlalime; se sitlali itoka Xolotl ijkuak okisaya tiotlaka; ye tonatiu Tlen okatka tonaltsi; Koyolxaujki ye metsi iuan ikni ye Uitsilopochtli tlen nuijki okitaya kenomi teotonaltsí.

Nuijki okipiaya oksekime teotsitsinti, kenomi:

Xochipilli ye xochitokake iuan tlachtli maultiani inteotsi; Xipe Totek iuan oksekime



Otlailjuichiaya sejsen poaltonaltika pampa okimiljuikixtiaya teotsitsinti iuan omochiuaya ompa kanin okatka iteopa. Ijkuako omotlakentiaya kualtsi, omijtotiaya, otlakuikaya iuan okitemaktiliaya miek tlamanali. Iljuitsitsinti tlen okachi ueyi omochiuaya ompa kani okatka ye ueyi tiankesko pampa ompa omokauaya ueyi teopankalijitk iuan ompa okinchiuiliaya imiljuitsitsiua yejua teotsitsinti Uitsilopoxtli iuan Tlalok.

OKIJKUILO: XILONEN

## TLAJTLANILITILISTLI

Xikikuilo noch i tlen nika timitstlajtlania.



¿Konomi omotokayotlaya iteotsi tlen okachi ueyi?

---

---

---



¿Kekeski tonali otlailjuichiuaya?

---

---

---

---

¿Tlani okichiua ya ikuak otlailjuichiuaya?

---

---

---

---



Nika xikikuilo noch i tlen te otikitili ijtolistli  
yiuejkika teotlaneltokilistli.

---

---

---

---

---




Xikintlajtlani nochti tetajtsitsinti iuan lamatsitsinti tlakimati itla tlen yiuejkika tokniua ochantia ipan ni tomexko tlalpa iuan katliye okipiaya itlaneltokilis.

### OUIJTLISTLAJKUILOL

Ijkuak amo tiueli tikijkuiloske se tlajtoli pampa amo tikimixmati kakisme noso amo tikmati kenomi tikinsetiliske tlajtolme yejo motokayotia ouijtilistlajkuilol.

Nika xikchiua se tlajtoltlapoualis: xiktlali nochti tlen omitsiljuijke tetajtsitsinti iuan lamatsitsinti.



---

---

---

---


---

---

Ximonechikoka naui noso makuili koneme iuan xikijtoka tlaonkasike miek ouijtilis ijkuak ontlaajkuilojke iuan tlempa.



Nika xikijkuilo intoka oksekime altepeme tlen te tikimixmati iuan nuijki tlapoua ika mexijkatl (nauatl) iuan xikijto koxtlapoua kenomi te noso okse tlamantli.



---

---

---

---

---

---

#### YOLKATLAPOUALIS

Ijko motokayotia poualistli kani tlen tekipanoua yejua yokame iuan itlajtolis techmaka se tlaixmatijkayotl noso se ixtlamachilis.

Yolkame tekipanoua kenomi tlakame. Maski itech nime yokatlapoualme nuijki kisa tlakame iuan itla tlamantli.

Ximonechikoka nanaui noso mamakuili iuan xikimitaka katliyejme tlajtolme onkimijkuijlojke tlakpak iuan sanse tlamantli kijtosneki maski onkijkuilojke tlatlamantli.

Nika timitstlalilia sekime tlajtolme tlen sanse tlamantli kijtosneki iuan mojkuiloua tlatlamantli.

Maria tekiti

Maria tekipanoua

Ni neskayotl (:) motlalia ikuak titlajkuilojtoke iuan ome tlajtolpamime mouika iuan amo ueliti mosetilijkuiloske uelika moneki mosekatiliske.

## ANAUAKUIKATL

Anauak, nokojkoljua inintlat  
nika nimitsuikatia  
nika nimitstokajtia  
nimitsajtsilia ika nochitl noyolo.

Nimokuesoua kemantika  
kema nikita tlen mitspanti  
miek tlamantli tlen kimpanti  
nokniua.

Nimokuesoua iuan nikualani  
kema nikita mopa nejnentoke  
nimokuesoua iuan niyolkuitlamiki  
kema nikita kenejki ipan nejnemi  
mokoneua.

Ijko seki tlakame okinekiskia  
sejsemi mitsneljuayokotonaske  
ijko seki nuijki okinekiskia  
sesemi mitsixkuapoloske  
axkema ueliske axkema mitsyolkotonaske.

Asiti tonali sampa timoyolkuis  
asiti tonali sampa timoyolchikauas  
asiti tonali sampa tiknextis motlalnamikilis.

Tejua timokoneua  
tejua timopiljua  
tejua tioselome  
tejua tikuaujtlakame  
Sampa timitsyolkuiske  
tejua timitsyolchikauaske  
tejua tikchiuaske  
masampa kueponi Anauak tlajnamikilistli  
masampa Kueponi Mexko tlaltikpaktli.


Ye ni notoskak  
ye ni nokuikatl, ¡Anauakuikatl!



José Antonio Xokoyotsin

Nochti omejua iuan omotemachti ximotlapouika  
tlaonkiuelitake ni xochitlajtol.

Axka omejua xikchiuaka se ijtolistli iuan onkijtoske tlase xochitlajtol, se tlapoualis, se yokatlapoualis noso se tlajtoltlapoualis.



Ni neskayotl (.) tiktlalia ikuak:

- tikjkuiloua se ijtolistli iuan ni ijtolistli titlamia.
- tикинchiua ome ijtolistli iuan yejo ome mouika iko tejua tikinxeloua ika se neskayotl.
- tикиmikuiloua ome ijtolistli iuan yejo ome amo mouika iko tejua nuijki tikinxeloua.

**Nika timitsintlalilia sekime tlajtolme iuan te titlapantis nikikuak titlapojtoke ualeua titlaiyotilana iuan ni iyyotl ikuak titlajkuilojtoke titmachiotia ika ni kakistli (j). Ikuak tittilana iyyotl itlatlajko se tlajtoli okachi chikauak kema itlamia se tlajtoli. Ikuak tittilana iyyotl itlatlajko se tlajtoli okachi chikauak kema itlamia se tlajtoli. Iko ikuak titlajkuilojtoke sanye tlen yaui tlajtajko tlajtoli tikjkuiloua iuan tlen yaui itlamia amo.**

iyyotl  
tlajko

koneme (j)  
ye (j)

Axka te xikimijkuilo mieke tlajtolme tlen kiuika kakistli ( j ) tlatlajko iuan tlen te tikaki kiuika itlamia tlajtoli.

Nika xikijkuilo itlaixnextiskayotl se tetajtsi tlen okachi ueuetsi tlen ompa chanti moaltepe. Tlayotikijkuilo itlaixnextiskayotl axka xikixnexti.



# 5



## TATA ROSENDO TEKIPANOUA ITECH ITLALA

Tata Rosendo, yauí sepa kualka itlala, kinuika ome itskuiua; se itskuinokich iuan okse itskuinlama.

Kintlasojtla nime iyolkaua pampa Kimaljuia tlatoktli; kualtsi kintlakualtia, kinmaka tlaxkali ika nakatl iuan chiauak; ye kinuelita pampa kualtsi mauiltia kenomi kokone.

Ye yauí kualka, kikajteua isiua tistok; tlakikauilitiue itlaxkal kani tekititok ompa tlakua iuan akini tlaxkaluika, kiteki; uaxi, xoxouik iuan tempixkistli tlen ika konkua itlakualtsi.

Itech sekime tlalme toktok: ajos, epasotl, kolantro, prixili, uaxi, mili, tsapotl iuan tomatl.

Axka ne nikneki nomechtlapouis kenejki kitoka ajos; kintlakeua akime kitlajtlapanaske ajos pampa ompa kikixtiske xinachtli, pampa tlen yopachakauik kixeloijtiui pampa amo monenelos iuan xinachtli tlen kuali.

Tlayotlanki otlajtlapanke, kintlakeuatiui akime kitokaske xinachtli;



yaske tlaixmanke, tlaxopatlake iuan chokome.

Tiali kani kitokaske xinachtli kipia tlen kixmanaske kualtsi;  
kichipauaske apantli kani motlalos atl kani kajuiliske toktli.

Ijkuak yopankiski toktli, moneki kichipauaske ijkuak yikipias xiuitl,  
motlaxiujkixtis kuali iuan kualtsi pampa ye iselti amo uelitis tata  
Rosendo, kipia tlen kintemos akime tlaxiujkixtiske ijko kichiwas  
mamoskalti kualtsi kitas tlen yikualika tlen yochikauak ijkuako  
kintemos akime tlauiuitlaske iuan kilpiske.

Kualtsi uelik ni ajos xoxouik ijkuak itech tlitl moxka iuan mokua iuan  
tlaxkaltotonik iuan nakatl noso seki tlakuali ajayo.

Tlate otikuelitaskia tiktakas ni ajos, uelitis tiknemakas, tiktlanis miek  
tomi tikinpaxialoltis nochti mokalchanikniua, tikouas motlake,  
moxapo iuan uelitis tikelolos tomi iuan ijkuak monekis tikouas pajtli  
tlamokokoske mopiljua ompa tikpixtos iuan amo monekis  
timotlatlaneuilis.

Nika tlami nochti tlen kichiwa tata Rosendo itech itlajua, yejo  
oniknekia nomechtlapouis.

OKIJKUILO TEMACHTIJKETL  
ALFREDO MUNGÚA G.

## TLAJTLANILITILISTLI

Nika xikikuilo nochí tlen otikitili ijkuak otikpo ijtolistli tata Rosendo tekipanoua itech itlala.

---

---

---

---

Nochí tlen nika timitstlajtlania xitlanankili:

¿Kani tekipanoua tata Rosendo?

---

---

¿Kenomi maultia itskuiua tata Rosendo?

---

---

¿Tlani toktok itech sekime tlalme?

---

---

¿Kenomi kikixtia xinachtli?

---

---

¿Tlani kichiua ijkuak yopankiski tlatoktli?

---

---

Itech motlajkuilolamoch xikikuilo tlani motoka ompa moaltepe iuan kenomi motoka.

Xikinpoua tlajtolpamime tlen nika timitsimijkUILilia:

Tata Rosendo tekipanoua itech itlala.  
Tlakame kitoka xinachtli sejsen xiujtika.  
Nanantsi kinemaka ajos tiankesko.

Tlajtoli noso tlajtolme tlen kijta akini, tlani noso akime kichiua chiualistli motokayotia tlajtoltokayotl tlajtolpamitl.

Axka xikinpoua nime tlajtlaniltlajtolpamime iuan tlakpak xikimaxili tlajtoltokayo.

¿Akini tekipanoua itech itlala? \_\_\_\_\_

¿Akime kitoka xinachtli sejsen xiujtika? \_\_\_\_\_

¿Akini kinemaka ajos tiankesko? \_\_\_\_\_



Tlajtoli noso tlajtolme tlen kijta tlen kichiua tlajtoltokayotl noso iteneualis motokayotia tlajtolyolmelajketl.

Timitsintlalilia sekime tlajtlaniltlajtolpamime iuan tlakpak te tikintemolis tlajtolyolmelajkaua.

¿Tlani kichiua tata Rosendo? \_\_\_\_\_

¿Tlani kichiua tlakame? \_\_\_\_\_

¿Tlani kichiua nanantsi? \_\_\_\_\_



luan omotemachtli xikinpouaka nime tlajtolpamime iuan xikitoka katliye tlajtoltokayotl iuan katliye tlajtolyolmelajketl.



Se ichpochtli kinemaka ejeyojtamali.

Takotsi kaltempa xochiteki.

Telpochtli elotekiti imila.

Naname pixkatiui sejsen tiotlaka.

Tata Pablo tiankesko tlayolnemaka.

Tototl okikua nochia nochtli.

Nokniua nechualikiliske xinachtli.

Nana Petra otetliokoliko miek ayojuachtli.



Nika xikimijkuilili itlajtoltokayotl iuan itlajtolyolmelajketl

#### TLAJTOLTOKAYOJME

Se ichpochtli

---

---

---

#### TLAJTOLYOLMELAJKEME

kinemaka ejeyojtamali

---

---

---

**Tikinamiki nikye ni neskayotl (,) tiktlalia ikuak titlajkuilojtoke iuan tikineki tikinsesekatiliske tlajtolme.**

Nika timitstlalilia se ijtolistli te xikita nikiuika miek neskayotl.


## MAKUILTEPEK

Se altepetsintli tlen itoka makultepek,  
tlatskitok ye ueyi altepetl kuetlaxkoapa,  
iuan monauatia iuan se ueyi altepetl itoka  
Eloxochitla.

Ni altepetsi mokaua tlakxitla sekime  
tepetsitsinti; pampa tepeyoualitok sailiuis  
tlakuechaua, iko nochti tatame kitoka miek  
tlamantli, kenomi: tlayoli, etl, chili,  
kajuentsi, tsapotl iuan miek xalxokotl,  
pampa ika yejo tektil monekuitlauia nochti  
tleri ompa chanti.

OKIJKUILO CHOKOTSI  
MAXIMINO GONZÁLEZ ZOTO

Axka te iuan oksekime koneme xikchiuaka se  
ijtolistli iuan omotemachti maomechpaleui  
pampa onkitlaliliske nochti ineskayotl.



---

---

---

---

---

---

---

---

---

Xikinchijchiua sekime tlajtolpamime iuan xikinsekatili  
itlajtolyolmelajketl.

---

---

---

---

---

---

---

---

---

---

Nika timitsintlalilia sekime pilijtolisme te xikintlalili nochí  
neskayome tlen poliui.

Nana Lola okinemakato tiankesko ejeyotamali nakatamali  
atoli kajuentsi iuan miek okseki tlamatli.

Se tata otekipanoto itlala iuan okiuikak jtakatsi ialauj  
xinachtli iatsi iuan ikuaekauilo!.

Chokotsi Pablo kauiltia tlachtli iuan Miguel Mario Felipe Jesús  
Xokoyotsin iuan Tonatiu

María ouia iuan Xochitl Xilonen Paula Felipa okitekito elotl  
ayohti ayojxochitl iuan kalauansas xoxouik.



Xikijtoka ika omotlajtol tlani se tlajtoltokayotl iuan se tlajtolyolmela jkettl iuan xikintlalili se tekit.

TLAJTOLTOKAYOTL

TLAJTOLYOLMELAJKETL

Nika xikijto kemania se kitlalia ni neskayotl (.) iuan kemania ye ni (.)

NI NESKAYOTL (.)

NI NESKAYOTL (.)



## ITLAJTOLPOUALO TEPEKUESKOMATL

Onka iknika Teuajka iktlatsintla ompa kani kajki altepemaseual tlen motokayotia Axuxko ye ni tepetl tlen kitokayotia Tepekueskomatl mota kema ueyijtik kenomi se tlakatl noso siuatl uetok iuan mota kenomi kipia itlalax, ixik, itsonteko, imaua, ikxiua, ikamak, inakasua, iyekatsol iuan ixtololoua.

Totataua kijtoua ni tepetl kajki yolitok pampa motlapoua sanse tonali ipan se xiuitl yejo tonali ipan sempoali iuan naui tonali tlen metstli junio pampa kiljuitillia itonal tata San Juantsi impa ijko itonal ni tepetl tepekueskomatl.

Iuan ijko yejua kijtoua tlase tomaseualikni amo okipiaya tomi okimiljuiaya xiua, xikuiti tomintsi, ompa onyaske itech itonalsi oampa ikuako kitemaka motlapoua se kaltlapali ipan tlajko youali.

Uan ijko satepa mieke tokniua oyaya nochti yejua tlen amo okipiaya tomi; ompa yejua okalakia ikani kajki ixik iuan ijko omotlapouaya iuan sanima omotsakuaya kaltlapali iuan sanima opeuaya nejnemi iuan ompa omotaya tluel kualtsi.

Sanima okinamikia se ichpochtli tluel kuajkualtsi ye okintlapouiaya ika se tlajpalolistli ye kijtosneki panolti nochti omejuantsitsi axka yionualajke nika ye totlanauatil ye ximo omechia pampa ye kineki nomechtlapouis xiualaka matiuia matikitati.



luan ijko peua nejnemi sankitokatiui ye ichpochtli; ompa tlajtitk kema kualtsi onka miek tlamantli kenomi uejuei iuan kualtsitsinti yokamekenomi: pitsome, tentsome, ichkame, ueuejchome, piome, kouame, sintli, etl, tomi, iuan miek okseki tlamantli tlen yejua okinekia yejua tomaseualikniua.

Setepa okalakia kani okatka ye ximo ueyi tlanauatiani iuan ye sanima okimiljuaya: xipanoka, xikalakika nochti omejua tlakame ne yinikmati tlani onkineki, omejua onkineki onkipiaske miek tomi ijino omejua axka onualajke.

Te tlakaximo axka otialajke iuan tiktlajtlani techpaleui pampa tejua amo tikpia tomi iuan tejua tikmati te uelitis techpaleuis -ye ximo okinankiliaya- kema nomechmakas nochti tlen omejua onkineki pampa omejua onkimati onechtlaxtlauiliske, onechmakaske omoyolo iikuak omejua onmikiske -¿tlani onki jta omejua? kema, tejua nika tiuitse.


Axka omejua xiua iuan ompa techiaka iuan ijko satepa onkipiaske miek tomi. Ijko nochti nime tlakame oualmokopaya itech se xiuitl pampa yejua amo okilnamikia koxopanok se xiuitl. Axka tejua tomechtlahtlania ¿Onkineltoka nochti tlen tejua tomechtlapuijke? ¿tlani onkijtoua yineli noso xolopijkayotl ni tlapoualistli tlen yejua totataua otechkajteuilijke?

OKINECHIKO IUAN OKIJKUILO YE TEMACHTIJKETL  
HÉCTOR SADOT RAMÍREZ SUÁREZ.

## TLAJTLANILITILISTLI

Xikpouaka ni tlajtolpoualistli; kana makuilli noso chikuasempa makipouaka chikauak iuan nochti oksekime xikuikaka tlapoualo ika omoixtololo.



Nika xikimijkuilo nochti tlajtolme tlen amo tikimixmati iuan xikimixnextili oksekime koneme mixeuia kimixmati iuan yejua mitsiluiske tlani kijtosneki.



Xikijkuilo nochti tlen otikitili tlajtolpoualistli itlajtolpoualo tepekueskomatl.

Itech moamatlajkuilo xikijkuilo se tlajtolpoualistli. Tlamo tikmati xikintlajtlani motataua tlen tepetlajtolpoualis kimati onka.

Nochi tlaixnextilme tlen nika timitsintlalilia xikintlalili intoka.



#### TLAMANTOKAYOTL

Ni ye tlajtoli tlen kintokayotia tlakame, yokame noso itla tlamantli.

**Axka yitikmati niknochi intoka tlen otikintlalili tlaixnextilme tlen  
kate tlakpak motokayotia tlamantokayome.**

Nika timitstlalilia se ijtolistli; itech poliui sekime tlamantokayojme, te xikimaxitili, kate kani te otikimijkuilo ikuak otikintlalili intoka tlaixnextilme.

### CHOKOTSI PEDRO

\_\_\_\_\_ Pedro oyajki okinemakato \_\_\_\_\_


ompa itech se \_\_\_\_\_ tlen motokayotia Xomapa;

pampa opanoskia kani kajki se ueyi \_\_\_\_\_

okiukaya se \_\_\_\_\_ iuan okiukaya \_\_\_\_\_

uan ika omaultijtlaya. Amokimomachili iuan oejkok altepetl sailius yitiotlaki. Ikuak omokopato opanok kani kajki se ueyi xokoteujkouitl iuan okiteki miek \_\_\_\_\_  
uan okelka \_\_\_\_\_ tlen

okitlatkiti inantsi. Okilnamiki ikuak oejkok ompa kani kajki  
\_\_\_\_\_ .



Xikimijkuilo sekime tlamantokayojme iuan makimita motemachtitlakuali kate.

---

---

---

---

---

---

---

---

---

---

Xikimijkuilo sekime tlaajtolpamime; tejua nika timitsintlalilia sekime tlaixnextilme te xikinpejpena tlen kinamiki.

---

---


---

---

---

---

---



Axka te yitikmati niknochi tlaixnextilme kipia itlamantokayotl.

Te iuan oksekime koneme xikpouaka ni amatlajkuilol.

Atexajkapa, Eloxochitla, Kuetlaxkoapa,  
ipan eyi tonali tlen axtopa metsti tlen  
naui tsontli iuan kaxtol  
uan naui poali iuan kaxtoli xiuitl.

Temachtijketl  
Jeronimo Tepole Ameskua  
ueyi tlanauatiani ompa  
kaltlamachtilistli  
Kuautemotsin

Akini mitsontlajkuililia ye temachtijketl  
Xokoyotsin Romero Paniaua, mitsontlajpaloua iuan mitsoniljuia  
nikipan se tonali tlen ni metstli omoijkuiloko sekime koneme; nika  
nikintlatlia intoka pampa nikneki xikonmati akinme:

Xóchitl Ambrosio Jiménez  
Ana Catalina Tepole Amil  
Xikotenkatl Romero Teotsi  
Minerva Sánchez de Jesús

Nochti nime koneme kalakiske ipan eixpa  
xiuitl tlamachtilistli; Nochi ni nimitsoniljuia pampa tikommatos.

MITSONTLAJKUILILIA  
TEMACHTIJKETL  
XOKOYOTSIN ROMERO PANIAUA



Tlayotikpo amatlajkuilol, nika xikinpanolti nochti tlamantokayome tlen ompa ijkuilitoke.

**Axka yotikmopanti niknochti tlakatokayome iuan altepetokayome iachtopa kakistli moiжуiloua ika ueyi kakistli.**

#### TLACHIUALISTLI

Ni kijta tlani kichiua tlajtoltokayotl iuan tlen achitsi kichiua, noso tlen tonali.



Itskuintli nakakua      Itskuintli kikua nakatl

Ichpochtli xochiteki      Ichpochtli kiteki xochitl

Axka te itech moamatlajkuilol xikinchiua sekime tlajtolpamime iuan xikijto kani kipia itlachiualis.

# 7

## TLATOKALITSIN MEMO

Ompa oyetoka tlatokatok se tlataklitsin itoka Memo  
ompa itech tlali tlen kimakatok itlakual  
okixkonetl pampa yikin kipia chikueyi xiuitl  
ye yomotlatiaya ikuatlapa ika tonali.

Imaua tsitsikime okitlaliaya xinachtli  
iuan ye okikuikaya se tlakuikali kuajkualtsi  
nochi pamitl ye oyaya tlatakatiu  
omitoniaya ixko iuan amo iyoliskayotl.


Tlatokalitsin Memo, ne nimitsiljuia  
¿tleka tlauel timosotlauiltia?  
tiaui timauiltiti, auilme mitschia,  
xikpano kuali motonal te konetl iuan amo ximosotlauilti.

Te techiljuia yejo, onechiljui chokotsi  
ken ¿amo tikmati? ¿amo oktikilnamiki?  
tlani amo nitekipanos te amo tikpias motlaxkal  
ian tlamo nimitonis, te amitla tikuas.

Nuijki onechiljui: ¿ken amo titlachia?  
noauilme ye tlali iuan ye xinachtli  
tentsonme ipan tepetl iuan kouitl  
ijkuak nikuka ipan nokuitlapa.

Techkaua manimauilti, nikneki nimomachilis niueyi  
ken xinachtli itech tlali niktoka, kenomi mieke kichiua.  
Onimotentsaki, amo okitla onikiljui  
oninejnentia iuan ye omoka tlatoctok.

OKICHI NI XOCHITLAJTL  
MARÍA LAURA GARCÍA CONTRERAS



## TLAJTLANILITILISTLI

Nika xikijkuilo nochi tlen timitstlajtlania.

¿Tlen itoka xochitlajtol?

---

---

¿Kenomi motokayotia tlatokalitsin?

---

---

¿Keski xiuitl kipia tlatokalitsin?

---

---

¿Tlani okijtouaya tlatokalitsin okipiaya kenomi iauilme?

---

---

¿Kenomi okinekia momachilis ni tlatokalitsin?

---

---

Xikijkuilo nochi tlen otikuelitak ijkuak otikpo ni xochitlajtol.


---

---

---

---

Ximonechikoka nanaui noso majmakuili koneme iuan xikjkuiloka kenomi onkitilia ni tlaixnexpoualis.



### TLACHIUALISTLI

Ijkuak itia tikchiua tlen tlajkuilotok noso tikipta ika totlajtol kenomi tejua tikitilia.

Axka xikpouaka kenomi onkijuilojke iuan tlen okachi onkiuelitaske xikchiuaka nochitlen kijtojtok tlapoualistli; omotemachti maomechpaleui.

Nochti omejua xikijtoka tlaonkiuelitake tlen onkichiijke noso amo.

Nika xikijkuiloka se xochitlajtol; itech xiktlalika nochi tlen omejua onkichiua ompa omokalijtik.



---

---

---

---

---

---

---

---

---

---

---

---

---

---

---

---

---

---

Nochi xochitlajtolme tlen onkinchijchijke xikinpouaka iuan tlen okachi onkuelitake xikijkuiloka itech omoamatlajkuilol iuan satepa xikmomachtika pampa uelis onkinechikolitoske.

**Te yitikmati nikikuak amo tiueli tikijkuiloske se tlajtol pampa amo tikimixmati kakisme noso amo tikmati kenomi tikinsetiliske tlajtolme motokayotia ouijtilistlajkuiloli.**

Nochti xochitlajtolme tlen okachi onkinuelitake xikinpanoltika itech ueyi amame iuan xikinpepechoka ompa kanin onmomachtia.

Xikintlajtlanika omotataua tlani okichiuaya ijkuak okatka oktsitsinti: omomachtiaya, otekipanouaya noso tlani okichiuaya, iuan nika xikijkuiloka iuan satepa xikinpouilika oksekime koneme.



---

---

---

---

---

---

---

---

---

---

---

---

---

---

---

---

---

---

---

---


#### MIEKILÓ XOCHITLAJTOL

Yejua tlen mojkuiloua kenomi tlajtolnenepantlamilis, nime xochitlajtolme kijtoua mieke iuan tlauel kualtsi mokaki.

Nika timitstlalilia se xochitlajtol, xikpoua iuan xikjito tlayitikixmati noso amo iuan tlaotikuelitak noso tlen otiknekiskia makijtojo.

### ILNAMIKILISTLI

Kampa otinechmakak moyolo  
se youali, se tonali,  
nikilnamiki otinechili:  
nimitstlasojtla. Nikneki  
xikmati ken nikneki  
mixtololo.  
Itsintlan se tepetontli  
kampa xochitl motekpana  
ne nikita se siuatsintli  
noyolotsin kiualana.  
Nepa yau se siuatsintli  
mieck xochitl kiualuika  
iten tlatlaujki ken xochitl  
tlaipan ni tonali  
ika nejuatl tlapouaske  
mieck nimotlasojkamatiskia.



OMOJKUILO IKA AXKA  
NAUAMASEUAL IJKUILOLI

OMOKIXTI ITECH AMOCHTLI  
*La Llave del Náhuatl*  
Ángel María Garibay. Edit. Porrúa.

Xikjito katliyejme tlajtolme amo tikimitilia; motemachti mitsiljuis tlani kijtosneki.

Ika omotlajtol onkijtoske kenomi onkitilia kijtosneki: tlachichiulistli, ouijtilistlajkuiloli iuan miekilo xochitlajtol, iuan xikintlatili se tekitl.



TLACHICHIULISTLI:

OUIJTILISTLAJKUILOLI

MIEKILO XOCHITLAJTOLI



### KALCHANÉJKE SÁNCHEZ CHIKICHIUA

Ompa kani kajki se ueyi altepetl tlen itoka Altepexik kate sekime kalchanejke tlenmonotsa Sánchez iuan yejua kinchijchiua chikime pampa ika yejo tekitl monekuitlauia.

Nochti chikime kinchijchiua ika akatl; ye akatl kitsajtsayana pitsauak pampa ijko moneki tlen monejnekis; sejse chikiutl kipia itoka, kenomi; akaxoktsinme, akaxochixoktsinme, akatlauilme, akatlasakali, akatlauiunionime, iuan oksekime chikime.

Nochti kalchanejke Sánchez mopaleuia ikuak tekiti:koneme, telpokame, ichpokame, nanantsi iuan tetajtsi, iuan tekojkoltsi iuan sitsintli, nuijki tlapaleuia pampa oktlaxikoua.

Kalchanejke Sánchez ikuak yotlanki okinchijchijke chikime kinemakiltia maseualtlasemanke, pampa yejua tlasemanke amo kinchijchiua sankinsemana. Nime tlasemanke yauittech kalme kinkouatiui chikime.

Pampa yejua tlasemanke kineki kitlaniske miek tomi amo kuali kintlaxtiauia



uan ikuak yejua kinemaka tlauel patiojke kintemaka iuan iko  
yejua mokopa tomiyejke iuan kalchanejke Sánchez maski miek  
tekiti semijkak tlajyouia pampa axsemi tomiyejke.

Sekime chikime tlen kinchichiua kalchanejke Sánchez mouika  
sentlapalatl pampa yejua koyome tlauel kinkoua; oksekime  
chikime ika pixka pampa ijlik kitlalia sintli; sekime ika kololoua  
tomatl iuan sekime ika yaui tiankesotui.

Ikuak ejko mikailjuitl kalchanejke Sánchez kichiua miek chikiuitl  
pampa mieke kalchanejke ika kitlalia tlamanali.

Nochi tlen nika ikuilitok ye tlen kalchanejke Sánchez kichiua  
pampa uelitis monekuitlauiske nocthi.

OKIJKUILOJKE:  
SAMUEL VICTORIANO REMIGIO  
IUAN XILONEN

## TLAJTLANILITILISTLI

Nochti omejua ximopatlatui pampa uelitis onkipouaske onochti ni ijtolistli.



Nochi tlen nika timitstlajtlania xikijkuilo



¿Kani ancha kalchanejke Sánchez?

---

---

¿Tlani itech tekipanoua kalchanejke Sánchez?

---

---

¿Kalchanejke Sánchez, akinme kinemakiltia inchikiua?

---

---

Sekime chikime amo monemaka nika Mexko, ¿Kani kinuika?

---

---

¿Tleka kalchanejke Sánchez kichiua ni tekitl?

---

---



---

---

Itech moamatlajkuilol xikijkuilo tlani otikitili iuan tlani amo ikuak otikpo ni ijtolistli.

Nika xikijkUILoka kenomi kate chikime:

---

---

---

---

---

---

---

---

---



Iuan motataua xitlajtlani kani okse altepetl chikichiua iuan akinme tekipanoua; tlamosenpaleuia nochti noso amo.

---

---

---

---

---

---

---

---



Nika timitsintlalilia sekime tlajtolpamime, te xikimaxitili itoka tlasenkajketl, tlatsintla timitsintlalilia:



Kalchanejke Sánchez kinchijchiua \_\_\_\_\_  
chikime.

Takotsi \_\_\_\_\_ amo yiueli tlapoua.

Totome \_\_\_\_\_ patlani miek.

Nokuetsi \_\_\_\_\_ onechtliokoli nonantsi.

Ikuatlamouisol \_\_\_\_\_ okipolo ompa kani iljuichiualo.

istak        tlilike        kualtsitsinti        patlauak        tsikitsi

Xikauilti ika nime tlamantokayome iuan itoka tlasenkajke ye  
auiltilo xikmisto; ye motemachti mitsiluis kenomi se kiauilitia.

tochintsi	kuatlamouisolme	uejueyi	chokotsi	
tsikitsi	tsopelik	kuakoue	xalxokotl	masatl
ajuiak	tlatlaski	piolama	isuatl	tochintsi
xokotl	tomaktsi	xokotl	uejueyi	xochitl
kuakoue	nakaskejketok	piolama	isuatl	chokotsi
tomaktsi	ajayo	xochitl	masatl	tsopelik
xoxouik	xalxokotl	ajayo	kuatlamouisolme	
ajayo	xoxouik	tsikitsi	tlatlaski	

## IJTOLISTOKAYOTL

Itokayotl se ijtolistli techiljui tlani ijkuititok itech se ijtolistli.

Ximonechikoka kenomi naui noso makuili koneme iuan  
xikchiuaka se ijtolistli. Nika tomechijkuililia se ijtolistokayotl



NO NANTSİ TLAKUALCHIUA

---

---

---

---

---

---

---

---

---

---

Tlayonkichiijke omoijtolis, xikpouaka inauak oksekime koneme iuan  
onkijtoske tlanochi tlen ijkuititok itech iitolistli nuijki kijtojtak itech  
ijtolistokayotl.

Ika omotlajtol xikijtoka tlen onkitilia kenomi tokatlasenkajketl iuan xikinchiuaka sekime tlajtolpamime kani kipiaske itoka tlasenkajke Nika timitsintlalilia sekime tlamantokayome, uelitis tikintilanas.

miston            takotsi            masatl            xochitl  
kouatl            chikiuitl            tlamanali  
                  tlakatl



---

---

---

---

---

---

---

---

---

---

---

---

---

---

---

---

**Te yitikmati, ni neskayotl (.) tiktalia iikuak:**

- tlami se ijtolistli.
- tikimijkuiloua ome ijtolistli iuan tikinxeloua.



---

---

---

---

---

---

---

---

---

---


---

---

---

Nika xikchiua se ijtolistli; tejua timitstlalilia itoka.


### XOCHITSITSINTI



Xikinkixti nochti tlamantokayome tlen otikimijkuilo itech ijtolistli iuan nika xikimijkuilo.

### TLAMANTOKAYOME

_____	_____
_____	_____
_____	_____
_____	_____
_____	_____
_____	_____
_____	_____
_____	_____



### JUANITA YAUI KALTLMACHTILISTLI

Juanita ye se takotsi tsikitsi; kipia chikueyi xiuitl, ye kiuelita semijkak yaski ompa kaltlamachtilistli iuan kijtoua ompa kimomachtia miek tlamantli; ye kisa ikalijitik kualka iuan achtó koniteua sekintsi atoltsintli.

Ijkuak ye asiti ompa kaltlamachtilistli kitlajpaloua itemachti iuan sanima peua tlajkuiloua nochí tlen kiljuia; ye kisa mauiltia ipan majtlaktli iuan se tonaltamachiuali iuan oksekime koneme; itemachti kimiljuia amo mamokualanika.

Juanita kijta nikte Toñojtsi nuijki nochipa xiuia ompa kaltlamachtilistli amo xikmopoloo pampa ompa mitsmachtiske miek tlamantli tlen te tiknejnekis ijkuak tiueitis.

Juanita mauiltia iuan oksekime koneme; ye kichiua yetok temachti iuan oksekime koneme momachtijke, kichiua kenomi kimititia nochí tlen kinmachtia ompa ikaltlamachtilis. Ni takotsi sailiuis kiuelita momachtis ijko ye semijkak meua kualka maltia iuan motiapatilia.



Itech ikaltlamachtilis amo kiuelita sanmaultijtos pampa ye kiuelita miek momachtis iuan ijko semijkak kitlalilia itech nochitiekiu majtlaktli machiotl.

Takotsi Juanita kitlapouia itata iuan inana niknochi tlen kimomachtia kiuelita iuan amo semi kikajteus ikaltlamachtilis; Nuijki okintlapoui itataua nikikuak se tata tlayekanki kinualtlajpaloua koneme kimiljuia amo mapoliuika, semijkak mauia mamomachtiti pampa ijko okachi kimatiske nochitlen kimititia itemachti.

OKIJKUILO YE TEMACHTIJKETL  
ANA MARÍA CRISTINA MÉNDEZ MONTALVO

## TLAJTLANILITILISTLI

Nochti xikpouaka ni ijtolistli yolik.

Ye omotemachtí kijtos akini kijtojtias tlani onkitilijke tlen ni ijtolistli yolik.



Axka xikjkuiloka nochti tlen nika tomechtlahtlania.

¿Kanini yaui takotsi Juanita?

---

---

¿Juanita, tlani kiuelita kichiuas semijkak?

---

---

¿Ni takotsi, tlani kijta amo semi kikajteuas?

---

---

¿Tikmati akini okijkuilo ni ijtolistli?

---

---

## TLAIXNEXTILIJTOLIS

Ni se ijtolistli, iuan mopepechoua kani nochti tlakame uelitis kitaske, iuan kinuika tlaixnextilme tlan kijtosneki nuijki tlen ijtolistli kijta.


Nika timitstlalilia se tlaixnextilijtolis

## TOPANTLI

NI SEMPOALI  
IUAN NAUI TONALI  
MATIKILJUICHIUAKA  
TOPANTLI NOCHTI  
TEJUA TIMEXIJKAME



Te itech moamatlajkuilol xikchiua nuijki se tlaixnextilijtolis; motemachti mitsiluis tlakualii kajki.



### IJTOLISTLI

Ni ijtolistli uelitis se kijkuilos noso se kijtos ika tlajtoli nochitlen se kinekis mamomati.

Ye temachtijketl Margarita okijkuilo ompa kaltlamachtilis ni ijtolistli.

TATAME IUAN NANAME:

NOMECHTLATLALJUIA XIKINTITLANIKA OMOKONEUA UIPTLA IKA SE  
PANTLI TSIKITSI, PAMPA NIKA TIKILJUICHIUASKE KUALKA IPAN  
CHIKNAUI TONALTAMACHIUASI.

Axka te xikixnexti itech se ueyi amatl moaltepe iuan xikintlalili miek  
ijtolisme tlen te tikyejyekoua okinpiaskia.

Xikintlajtlani naname, tetajme iuan ueuetsitsinti tlen onkate ompa moaltepe, tlen teitilisme kate iuan kenomi se kimixmatis.

---

---

---

Pampa uelitis kimopantis tlani tikneki tikmatis nika timitsintlalilia sekime tlajtolpamime.

¿Kenomi se kimati kani tlami itlal se altepetl iuan peua okse altepetl?

¿kenomi se kimati kani tlami itlal sekime kalchanejke iuan peua intlal oksekime kalchanejke?

¿Kenomi se kimati ikani se yaski pampa se kinekis kixmatiti okse altepetl?

Nika timitsintlalilia sekime teitilisme tlen kintlalia itech ueyi ojtli kani panoua teposnejnenke; nuijki timitsintlalilia sekime teitilisme tlen kintlalia itech ueyi altepeme.





Ijkuak tikchiua noch i tlen se ijtolistli kijta, motokayotia  
IJTOLISCHIUALI

Kenomi omejua yonkimati tlani kijtosneki se ijtolischiali nika tomechijkuililia se ijtolistli omejua achtio xikpouaka iuan satepa xikchiuaka noch i tlen kijtojtok; omotemachti maomechpaleui.

### OTLANKI TEMACHTINXIUTL



Nochti tejua pampa otlanki otimomachtijke ipan ni xiuitl yitiaske tokaltsintli, tomoseuitiui; sekime tiaske tikpaleuiske totata kani tekipanoua, sekime tiaske tikpaleuiske tonantsi iuan sekime itla tektil tikchiuaske itech okse kali kani techtlaxtlauiske iuan uelitis tikpaleuiske tonantsi iuan totajtsi maski ika tsikitsi.

Totemachti otechiljui chikome techiljuis akinme opanoke itech okse xiuitl tlamachtilistli iuan akinme oksejpa mokauaske, Sekime tipaki, sekime timotekipachoua iuan sekime santimomojmoujtia pampa amo tikmati koxotipanoke noso amo.

Yoejkok tonali, tinochti timomaxakualoua; totemachti yinochti yotechnotski iuan nochti otimotlalijke, amaka tlapoua, yonse kakistli mokaki; ye temachtijketl yopejki techtemaktilia toamaua sejse technonotliuits, Mieke opejki tipaki ijkuak yotkselijke toamau iuan otipanoke, sekime sekintsi omotekipachojke pampa okikixtijke chikuase noso chikome itech imachiotl; eiti opejki tlauel choka pampa amo opanoke yejua; Pablo, Tonatiu iuan Xikotenkatli.

Nochti tejua amo okotiuetskaya pampa otikinyolalijke iuan otikimiljuijke amo maokchokaka okachi kuali miek mamomachtika ipan okse xiuitl iuan ijko kuali panoske, Sekintsi moyolalijke iuan tinochti otajke tokalijitik; sekime tipakte, sekime timotekipachojtoke; maski tinochti ika yejyekoli nikoksejpa timomachtiske ipan okse xiuitl.

### XILONEN




Axka xikijtoka tlaonkiuelitake tlen onkichijke noso amo.



**Te yitikmati tlani se teitilistli; nuijki xikmati niktejua nuijki tikchiua teitilisme, ikuak itla tikneki makimatika akajme maski amo tikimiljuia ika tlajtoli.**

Ximaulti iuan oksekime koneme momachtijke; xikchiuaka nochitlen nika kajki itech tlaixnextilme; iuan nuijki xkinchiuaka oksekime tlen omejua onkimixmati.



10



### MIKAILJUITL

Ye mikailjuitl ompa noaltepe mochiua ueyi pampa tejua tiyolpaki, tejua timijtotia ika xaxayak, tejua timoiuintia, onkate sekime altepeme tlen techyoualoua kanin tlakame yejua moyolkokoua ipan ni tonali, ikuako yejua techteneua ikuako yejua techpijpinatia pampa tejua timopaktia, kija amo kuali totsontek pampa yejo tonaii uitse tokojkoljua iuan nochti tlen yotechkajtejke techitakiui techistlakokiui, kija ueyi tlajtlakoli tikchiua; yejua kija moneki tikintsiliniske teopantepostlatsilinalme, moneki tichokaske, moneki tiaske teopankalijtik, moneki timoyolkokoske kenomi yejua kichiua, iko ne nikija, ne nimoyejyekoua, yejua maski moyolkokoua kuali kichiua pampa iko kinselia imikatsitsiuia iuan tlen tejua tikchiua nuijki kuali; tejua titlatoponia, timijtotia iuan timoiuintia pampa ualejko tokojkoljua, pampa ualejko nochti akime se tonali otechkajtejke tejua tikinpakachia, tejua tikinpakaselia pampa tlaxka ualejko tlaxka tisepankate axka matisepanpakika.

Tejua titlamana, tiktlatia ye moltsintli, tamali, nakatamali ejeyotamali, atoltsintli, tlaxkaltsopelek, ken yen pantochi, ixsauayo iuan miek tlakilo pampa yejua kimomaseuiske, pampa yejua kimokualtiske, nuijki tejua tikintlaxotlaltilia pampa kani yejua yetieske nochti se xiuitl amo moimouiske amo momojmoujtsiske



pampa tlayouatos, nuijki tikinpopochua pampa tejua tikneki makimatika niktejua amo tikneki ikompa ojtli mamokauaka, tikxixinia xochitl pampa kimatiske kani yaui ojtli iuan ijko amo mopoloske, amo poliuske; tejua nochti tikinchia, koneme, telpokame, siuame, tlakame iuan tokojkoljua, nochti tlen yotechkajtejke; nuijki tikintlalilia ye atsintli pampa amo amikiske iuan akini okiueliliaya tlakonili nuijki tiktlalilia itlakoniltsi iuan tejua iuan tkmomaseuia,

Nochi ni tlamanaltsi nochi tejua tikontlalia, nochi tejua tikontetema ipan yenkuik petlatsitsinti ika miek pakilstli. Tejua kualtsi titlachijchiua ika miek amaxochitl iuan ika miek sempoalxochitl, Nochti tejua tipaki pampa yejua iuan tikonpanouia ni ueyi iljuitsintli,

Pampa uelis tikonchiuaske ni ueyi iljuitsintli tejua tikontlatia chichikomika totomintsi; ijko, ijko tiktlatia kana se tlajko xiuitl pampa ijko kuali tikonchiua, pampa ijko kuali tikonpanoua, ni ueyi iljuitsintli iuan nochti tomikatsitsiua.

OKIJKUILOJKE; ISMAEL GAMBOA  
IUAN XILONEN

## TLAJTLANILITILISTLI


Tlayotikpo ni tlajtolneltokilis, nika xikijkuilo nochi tlen otikitili.

---

---

---

---



Nochi tlen timitstlajtlania xitlanankili iuan nika xikijkuilo.



¿Tlani kichiua oksekime altepeme tlen kiyousaloua ni altepetl?

---

---

¿Tlani kitlalia itech tlamanali?

---

---

¿Tlen itech kitetema tlamanali?

---

---

¿Tlani ika tlachijchiua?

---

---

Itech moamatlajkuilol xikijkuilo kenomi tlamana ompa moaltepe ipan mikailjuitl; kenomi ijkuilitok itech ni tlajtolneltokilis noso okse tlamantli.

TLACHIUALISTLI  
Ni kijtoua kemania mochiua itla.



Se nana kitlalia tlamanali sejsen xiujtika.  
Nokone okikua tlamanali yala.  
Se takotsi okitlali itech tlamanali se tsopeltlaxkali.  
Ichpochtli okiko miek amaxochitl.  
Telpochtli kitlalia miek tlakilo itech tlamanali.  
Tinochti otitlachijchijke itech ni mikailjuitl.

PANOTOK TLACHIUALISTLI.- Ni ye tlen kijta nikaxka panotok tlachiualis.  
YOPANOK TIACHIUALISTLI.- Ni ye tlen kijta nokyopanok tlachiualis.  
YIKINPANOS TLACHIUALISTLI.- Ni ye tlen kijta nokyikinpanos tlachiualis.

Tlakpak otimitsijkuililijke sekime tlajtolpamime; te xikijto katliye:  
panotok, yopanok noso yikinpanos tlachiualistli.

Nika timitsintlalilia sekime tlajtolpamime; te ika se tlatsakuali xikintsakua tlen yikinpanos tlachiualistli; xikintlalili tlapali tlen panotok tlachiualistli iuan tlen yopanok tlachiualistli ijko xikinkaua.

Takotsi choka miek.

Iitskuintli okikua miek omitl.

Se tlakatl kikokoua itsonteko.

Telpochtli okiteki miek ouatl.

Nokone okonik miek atl

Isiua tata Pablo tlaxkalojtok.

Temachtijketl otemachti yala iuan yiuiptla.

María kinemaka miek tlaxkali.

Antonio iuan José maultiske chikome.


Nositsi yaski mostla ompa ixtlauak.



Tlajtolpamime tlen nika ikuilitoke, te xikinpanolti tlen kate ipan panotok tlachiualistli ipan yopanok tlachiualistli; tlen kate ipan yikinpanos tlachiualistli ipan panotok tlachiualistli iuan tlen kate ipan yopanok tlachiualistli xikinpanolti ipan yikinpanos tlachiualistli.




Xikpoua ni tlajtolpoualis iuan xikjito kenomi te tkiyejyekoua tlamis pampa amo tiktalia kenomi tlami. Kani kajki tlatsakuali xiktlali se tlaixnextilis kenomi tkiyejyekoua tlami.



Omotemachtí maomechíjkuilili se tlajtolpoualis iuan omejua xiktlaliliká itlamilis.

Axka te xikikuilo se tlajtolpoualis tlen semi te omitspanok iuan amo xikikuilo itlamilis.



Xikijo ikuak titlajkuiloua kani tikmachilia okachi ouijtitok iuan tlempa.

Onochti ximonechikoka kenomi nanaui noso mamakuili koneme iuan xikpouaka omotlajtolpoualis. Te nuijki xikinpouili motlajtolpoualis iuan xikimiljui makijtoka kenomi kiyejyekoua tlami; te tikimiljuis tlaneli ijko tlami noso amo.

Nika xikjikuilo ika motlajtol kenomi tikitilia itlamilis se tlajtolpoualis.

---

---

---

Nika xikchiuili iauitilo sekime tlachiualisme; ye panotok tlachiualistli, yopanok tlachiualistli iuan yikinpanos tlachiualistli.



Timitstlalilia se tekitl iuan te nuijki ijko tikchiuas:

Takotsi Rosa kixiljuia itsonkal ika tsikauastli

Takotsi Rosa Okixiljui itsonkal ika tsikauastli

Takotsi Rosa kixiljuis itsonkal ika tsikauastli

---

---

---

---

---

---

---

---

---

---

## MIGUEL IUAN CARLOS KOUJTOKA


Miguel iuan Carlos kitoka sekime okome kani kajki tepexitl, okintliokolijke yejua tekuajke tlen tlanauatia nika toaltepe, Nime tekuajke amo kineki matlamika okome; ijko yejua yokijtojke tlakemania kasiske sekime tlakame iuan kitlamotla okome noso tlen kojkouitiui kinuikaske kani kate tekuajke makintlaxtlauaka nochti koujme tlen yokinteke. Totekiuajkaua techtlapouia iuan techiljuia nikikuak kate koujme techasi kuali ejekatl, iuan toaltepeua iuan nochti semanauak mota okachi kualtsi iuan amo sailius timokokoua.

Ijko, ikuak aka te tikitakiteki se kouitl xikiljui amo makichiua, okachi kuali makintoka pampa ijko toyoliskayotl okachi mochikauas.

Miguel iuan Carlos nochipa yaui koujyo iuan ikuak kimita koujme tlen yejua okintoke miek paki pampa tlen nochti okitokake kualtsi mota.

Yejua kintlapouia sekime tokniua makintokaka sekime koujme pampa ijko motas kualtsi koujtl.





Miguel iuan Carlos kintlapouia nochti tekuajke amo  
makitekauilika makintekika koujme itech koujtliauan tlakineki  
kitekiske se makitekika ye tlen okachi yiueue iuan acht  
makintokaka kana eyi noso naui pampa ijko amo tlamiske  
koujme ni kijtosneki amo koujlatlamis.

OKIJKUILO TEMACHTIJKETL:  
ANA MARIA CRISTINA MÉNDEZ MONTALVO

## TLAJTLANILITILISTLI

Nochi tlen nika timitstlajtlania xitlanankili iuan nika xikijkuilo.



¿Tlen itoka ni ijtolistli?

---

---

¿Tlani kitoka Miguel iuan Carlos?

---

---

Tlase tlakatl kineki kitekis se kouitl ¿tlani moneki achto kichiuas?

---

---

Ijkuak onka miek koujyo ¿Tlen ika techpaleuia?

---

---

¿Akini okijkilo ni ijtolistli?

---

---

Nika xikijkuilo, te iuan oksekime konemachtijke yisemi onkitoke se kouitl iuan akini omechpaleui.

---

---

Nika timitsíkuililia se xochitlajtol

## IN SENTSONTOTOL

Nejuatl niktlasojtla in  
sentsontotol ikuikau;  
nejuatl niktlasojtla in  
chalchiuitl itlapalis  
iuan in ajuiakme xochime.  
Sanoksenka noikniutsin in  
tlakatl, nejuatl niktlasojtla.



Nezahuacóyotl.  
Ni xochitlajtol okijuilo ika axka  
tlajkuilol :

XILONEN

### XOCHITLAJTOL

Se xochitlajtol se kualtsi tlajkuiloli; ka tlajtoli se uelis kichiua se ijtolistli.

Axka te xikchiua se xochitlajtol; xikchiuili ye kouitl, koujyo, noso xochitl.

---

---

---


---

---

## IXTLAMACHTILTLAJTOLME

Nime tlajtolme kitemaka miek ixtlamachtilistli iuan kiuika miek tonalnejnemilis tlen semijkak techpanoua; techixnechmachtia, techtlapouia iuan techititia miek tlamantli.

Okachi kuali tikuajtos se memela  
ken tikimitos ueuejka tsopeltlaxkalme.



Axka te xikintlajtlani motataua tlakimati sekime  
ixtlamachtiltlajtolme mamitsimiljuika iuan nika xikimijuilo.

Te iuan oksekime konemachtiani xikinchiuaka sekime  
ixtlamachtiltlajtolme; maomechpaleui omotemachtia.

Xikijkuiloka se tlakuikali xikmomachtika iuan xiknechikokuikaka nochti omejua.

Ni tlakuikali uelitis omechmakas omotemachtí



#### KUIKATL

Ye tlenmoijtoua amo santitlajtojtoke moneki titlakuikatoske iuan santleno uelitis tikijtoske; tikuikiliske se siuatl, se tototl, se tlakatl, se yokatl, santleno.

Xikintlajtlani motataua tlen tlakuikali kimati iuan nika xikijkuilo.

---

---

---

---

---

---

Timitsijkuililia se xochitlajtol, te xikintlalili noch i neskayome tlen te tkiyejyekoua kinuika pampa tejua amo otikintlalilijke; motemachti mitsiluis koxkuali kajki noso amo.

## YOLOXOCHITL

Yoloxochitl  
xochitl tlen ika titlachixtoke  
xochitl tlen ika tiyolpakte  
xochitl tlen ika tichoka

Nimitsneki ika noch i noyolo  
ken nikneki tonantsi tlaltikpaktli  
nimitsneki ika miek chikaualistli  
ken tlauilchikaualistli  
techmaka totata tonati

Yoloxochitl  
xochitl tlen otlakatki ipan noyolo  
te tinechikaualia  
te tinechyolpacia

JOSÉ ANTONIO XOKOYOTSIN


Nika xikijkuilo kema motlalia ni neskayotl () iuan ni okse neskayotl ().

---

---

---

Te xikimitati tlen okachi ueuetsitsinti tlen chantí ompa moaltepe iuan xikintlajtlani tlakimati tlen kuikalme kimati yuejkika mokuika; mamitsinkuijili iuan te nika xikimijkuilo.



---

---

---

---

---

Axka kenomi yitikmati tlani se xochitlajtol, se kuikatl iuan se ixtlamachtiltajtol; nika xiktlali kenomi tikimitilia ika motlajtol iuan tlen okachi otikuelitak xikchiua se iuan nika xikijkuilo.

---

---

---

---

---

12





## MASATL (TLAKUIKALI)

Itlampa se tepetsintli  
kanin xochitl motekpana  
onikitako se takotsi  
noyolotsi kitilana.

(ojpa mokuika)

Masatl, masatl trampa tinemi  
tlajko sakayo nichokatinemi  
masatl, masatl kampa tinemi  
mopompa, mopompa nichokatinemi.

Nochipa nimitsiljui  
nimokopas ayotchi  
nikalakis itlampa tlali  
nikisati trampa tikochi.

(ojpa mokuika)

Masatl, masatl kampa tinemi  
tlajko sakayo nichokatinemi  
masatl, masatl kampa tinemi  
mopompa, mopompa nichokatinemi.

Niuala nika okotempa  
onikitako ye takotsi  
maski toná, maski kiaui  
tlapetlani, tlatikuini.

(ojpa mokuika)

Masatl, masatl kampa tinemi  
tlajko sakayo nichokatinemi  
masatl, masatl kampa tinemi  
mopompa, mopompa nichokatinemi.

OKINECHIKO: Ismael Gamboa  
ompa altepetl Okotempa, Axalpa, Kuetlaxkoapa.

## TLAJTLANILITILISTLI

Nika timitsijkuililia ye tlakuikali masatl, te xikaxitilijtiu kani poliui.

### MASATL



- Itlampa, se \_\_\_\_\_  
kani xochitl \_\_\_\_\_  
onikitato se \_\_\_\_\_  
noyolotsi \_\_\_\_\_  
Masatl, masatl \_\_\_\_\_  
tlajko sakyo \_\_\_\_\_  
masatl, masatl \_\_\_\_\_  
mopompa, mopompa \_\_\_\_\_



Xikikuilo nika tlani okseki tikilnamiki ijkuitilitok itech ni tlakuilaki.



---

---

---

---

---

---

---



Xikiljui motemachti mamitsititi kenomi mokuika ni tlakuikali,  
xikmomachti iuan xikuika.

Timitsijkuililia se tlajtlanilotl nika te xikpoua iuan xikjto koxtikixmati.

Mitspipitsa, mitspipitsa  
iuan amo tikita,  
mitsmaka moyoliskayotl  
pampa mi tsejekauia.

¿Tlani?  
(ejekatl)



#### TLAJTLANILOME

Nime tlajtlanilome sekime tlajtoltlayejyekolme tlen tlakuali  
tikyejyekoua mitsiljuijtoke tlani kitetlajtlania.

Axka te xikjkuilo se tlajtlanilotl; Nika xiktlali iuan xiktlalili itlaixnextilis.

---

---

---

---

Tlayotikchi motlajtlanilotl, xikmiljui oksekime konemachtijke  
makijtoka tlani iuan tlakuali okijtoke kijtosneki kuali otikchi iuan  
tlamo oksejpa xikchijchiua.

Nika tikikuiloua se amatlajkUILOL, xikpoua kuali



Akatepek, Sokitla, Kuetlaxkoapa, ipan eyi tonali tlen metstli julio tlen 1995 xiuitl.

Te tinokni  
Benito de Jesús Palantok  
Teuajka, Kuetlaxkoapa.

Nimitstlajpaloua ika miek pakilstii iuan ika nochí noyolo, pampa ne nikneki xieto kuali kani tichanti; axka itech ni amatl nimitsiljuia se tlajtoli:

Ne yitlamis nimomachtis, iuan nikneki xiuiki pampa totajtsi kijta sailius mokokoua iuan amo uelis yaski noua ijkuak nechinmaktiliske noamaua; notemachtí otechiljui nikuelika aka ueyi moneki toua yaski. Otechiljui techinmakas toamaua ipan naui tonali tlen metstli agosto tlen ni xiuitl panotok.

Miek nimitstlasojkamatilis xiuiki yejo tonali.

Akini mitstlasojtla miek.

Mokni

Rosendo de Jesús Palantok

Ijkuak aka tikneki tikiljuiske itla iuan amo ueli tiaui kani ye kajki, uelika moneki matikchiuaka se tlajkuiloli itech se amatl iuan yejo motokayotia AMATLAJKUILOL.

Axka te xikchijchiua se amatlajkuilol: xikijkuili se konetl tlen momachtia itech okse altepetl; achto nika xikijkuilo iuan satepa tikpanoltis itech okse amatl, motemachti mitsiluis itech tlen amatl mojkuiloua.



#### TLAJTLANILT AJTOLIS

Ijkuak aka kineki kimatis itla iuan kimati akini uelis kiluis nochí, kitati iuan kitlajtlania miek tlamantli yejo motokayotia

TLAJTLANILT AJTOLIS



## TLAYEKANTLAJTLANILTALAJTOLIS

Tonalpoualis: 5 tonali enero tlen  
1995 xiuitl.

Altepetyl: Tekoltepek, Koskatla,  
Kuetlaxkoapa.

Tlajtlaniltokayotl: Ken oneski noaltepe.

Akini tlajtlani: Paula Kiaua

Akini kitlajtlanis: tata Pedro Paniaua.

Se tlajtlanilo: ¿Tikonmati kemania oneski ni altepetl?



Ome tlajtlanilo: ¿Akinme achto ochantito itech ni altepetl?

Eyi tlajtlanilo: ¿Akini okitlalili itoka?

Nauí tlajtlanilo: ¿Tikonmati tleka ijko okitokayotijke?



Axka te xikchijchiua se tlayekantlajtlaniltlajtolis iuan xitlajtlani kenomi opejki temachtia ompa moaltepe, Uelis tikitas kenomi tejua otikchijchijke.



Te iuan oksekime koneme momachtiani ximotlapouika kenomi okiski tlajtlaniltlajtolis tlen onkichijke nochti omejua.

Tlajtlaniltlajtolis tlen otikchi axka xikpanolti itech se ueyi amatl ika ixnextilme.



### NOKOKOLTSI TATA PANCHOTSI

Nokojkoltsi itoka Francisco iuan sekime kiljuia tata Pancho iuan sekime tlen miek kitlasojtla kitokayotia Panchotsi. Ne niktlasojtla miek iuan ye nuijki nechtlasojtla.

Ye yikipia nochitsonkaltsi istak iuan mota kenomi kipia mixtli ipan itsonteko; ye semijkak poktok amo semi kualantok yonmokuesojtok.

Nokojkoltsi kiuelita sailluis tlachichinas iuan notata kiljuia amo matlachichina pompa uelitis kikitskis se kokolistli iuan ye amo kineltokio sanuetska.

Se tonali otechiljui nokojkoltsi masekintsi timotlopopouika pampa ye okinekia techiljuis se tlamantil. Otechiljui nikijuak telpochtli okatka miek ojtl iuan onejnemiaya kani okatka se atlantli kani ye iuan ikniua tlen iuan omotlasojtlaya oyaya iuan ompa omaultioya iuan omaltiaya.



Nuijki otechtlapoui nikamo okatka miek kalme ijko nochti  
omoixmatiaya iuan kuali omouikaya iuan okintlapouiaya nikikuak  
okatka chokotsi amo okatka yonse kaltlamachtilistli iuan oasito  
sekime temachtijke ye otlapaleui iuan omochi se kaltlamachtilis.

Kijta nokojkoltsi tlen axka tikpia tokaltlamachtilis matiktlasojtlaka  
miek iuan matikintitlanika tokoneua ika miek pakilstli.  
Nokojkoltsi miek paki pampa axka itech toaltepe yionkate mieke  
temachtijke iuan nuijki mieke telpochti iuan ichpochti  
yomomachtijke iuan axka yikipia kuali tekitl.

OKIJKUILO YE TEMACHTIJKETL  
ANA MARÍA CRISTINA MÉNDEZ MONTALVO

## TLAJTLANILITILISTLO

Xikijkuilo nika nochí tlen otikitili ijkuak otikpo.

---

---

---

---

---



Xitlanankili nochí tlen timitstlajtlania iuan nika xikijkuilo:

¿Tikmati tlen itoka ni ijtolistli?

---

---

¿Kenomi kitokayotia ni kojkoltsi akinme miek kitlasojtla?

---

---

¿Kenomi kipia itsonkaltsi ni kojkoltsi?

---

---

¿Tlen itoka temachtijketl tlen okikuilo ni ijtolistli?

---

---

Tlen nika timitsijkuillilia se melaauak tlajtoljuilo; xikpoua iuan xikijto tlani tkiyejyekoua.



María.- ¡Nochti nokniua nechmaka!

Xochitl.- Ne, nochti nokniua nechtla sojtla.

María.- ¡Nochti iknime temakani!

Xochitl.- Amo, nochti iknime tetla sojtlaní.

María.- Nokniua nechmaka pampa nimauiltia, pampa nitsikuintinemi.

Xochitl.- Nokniua, ijkuak nimauiltia noso peua nitsikuini yejua paki iuan peua momatlaxkaloua.

María.- Axka nikilnamiki, se nokni ijkuak okimatki onikijto se xochitlajtol iuan oniktlanki onechnapalo.

Xochitl.- Ne nuijki nikilnamiki nikse tonali ijkuak onitlakouato iuan saililiuis oniuejka nokni onechajauak miek.

María.- Yejo kijtosneki, nikamo nochti iknime semijkak temakani.

Xochitl.- Ijko nuijki kijtosneki nuijki amo semijkak tetla sojtlaní.

#### MELAUAK TLAJTOLJUILO

Ijkuak peua timotlajtoljuia iuan saiktiami tikijta tlani yineli iuan tlani amo iuan ompa mota akini omotlapololti iuan akini kuali okiyeyekojtoka.

Ximonechikoka kenomi naui noso makuili iuan xikpeualtika se melauak tlajtoljuilo. Xikijtoka ¿kuali kajki onkichiipauajtoske omokaltlamachtilis noso amo?

Achto xikpouaka tlen nika tomechijkuililia:

- Ijkuak peuas onmotlajtoljuiske amo okitla onkipouaske sanye ichipaualo omokaltlamachtilis.
- Amo sanonkineneloske omotlajtol, moneki mamoitili tlen onkijta.
- Moneki ijkuak ontlajtoske amo onmouejkauaske.
- Iuan onkikakiske tlen oksekime kijtoske iuan amo onuetskaske maski amo kuali itla kijtos setlatl.



Tlayonkichijke melauak tlajtoljuilo, nika xikijkuloka nochi tlen onkimoluijike iuan tlen saiktlami onkijtojke.



---

---

---

---

---

Axka omejua xiktemoka okse tlamantli tlen ipompatika omejua onkiniki onmotlajtoljuiske iuan ximotlajtoljuika; ye omotemachtli omechiljuis tlaonkichijke kuali noso amo.

## NIME KONEME MOYEKUIKA

Nime koneme kuali moyekuika; Paula, María, José, Akoxti, Kokoyotsin iuan Xochitl.

Yejua okiyejyekojke yaske koujtla paxialotui chikomika iuan sejse okiuikaskia itla pampa ompa otlakuaskia:

Paula okijto kiukas seki itakatl, ye okichijchi se tanajtsintli itakame; María okijto kiukas elotlaxkali, ye okiljui inantsi makinchijchiuili; José iuan Akoxti okijtojke kiukaske tlakilotl, yejua okitekito miek xalxokotl, tsapotl iuan auakatl; Kokoyotsin iuan Xochitl okijtojke kiukaske ye tlen koniske, yejua okiuikake miek xokoatl.

Nochti yejua okiuikake nochti tlen okijtojke iuan kualtsi okipanoke itech koujyo yejo tonali.

XILONEN \_\_\_\_\_



### TOKAJPATLAJKETL

Kenomi itoka kijtojtok, yejua tlajtolme tlen kinpatla yejua tokajyome.

Itech tonauatlajtol onkate tetokajpatlajketl nika timitsintlalilia.

ne

te

ye

tejua

omejua

yejua

Tlayotikpo ijtolistli “nime koneme moyekuika”, axka yitikmati tlani se tetokajpatlajketl; nika xikinpanolti nochti tlen kate itech ijtolistli iuan xikijto ten ika omopatlake.

---

---

---

---

---

---

---

---

Nika timitsintlalilia sekime tlamantokayome, te ika xikchijchiua se ijtolistli.



itskuintli

kimichi

misi

piome

ueuejchome

ichkame



Ijtolistli xiktokayoti:

NOYOLKATSITSIUA

---

---

---

---

---



Amo xikelkaua nikse tlamantokayotl nuijki ueliti se kipatla ika se tokajpatlajketl.

Xikinchijchiua sekime tlajtolpamime; nika timitsintlalilia sekime tokayome iuan tlamantokayome, te ikuak tikinchiuas tlajtolpamime xikintilana iuan nochti xikimijkuilili itokajpatlajketl, Kenomi nika timitsintlalilia se tlajtolpamitl.



Xochitl kiuelita mijtotis miek, ye, semijkak mijtotijtok.

Carmen Juan Agustín Itskuintli misto

Koneme Xokoyotsin iuan Pedro tlakame

piome Margarita Luis iuan Xochitl Ichkame



# 14

## NANA JOVITA TLANEMAKA IUAN TLAPATLA

Altepe nana Jovita itoka Chimaluajka, okipiaya se ichpoch; ye ikuak omopaleui oixpoliuik saomoka konetsintli seliktsi. Iteta chikauak omokokouaya satepa oixpoliuik nuijki; Ijkuako sitsintli iselti omoka iuan ixuitsi. Opejki kisa tlanemakati itech altepetl tlen okachi amo uejka, kana tlanemaka, kana tlapatla sanmiek tlamantli tlakilome ye okinsemanaya kenomi: auakatl, tsapotl, uitsayojtli, uaxi, mekatl; satepa okiuikaya ompa se altepetl itoka Santa María Koyomeapan, tiankestli mochiua ipan Jueves iuan Dominko, tomintsi ye okololouaya ika okikouiliaya ilechintsi ixuitsi iuan okseki tlamantli tlen ye kinejnekis itech okseki tonali. Ijkuak ixuitsi okitlami se xiuitl omokuateki; okiuikake tata Juvenal iuan nana Leonor, oyajke Santa María Koyomeapan



okitokayotijke Ema. Opejki okachi moskaltia iuan isitsi okikajteuaya ichan iteotataua, oyaya itech okse okachi ueyi altepetl itoka Axalpan kani omochiuaya okse tiankestli okachi ueyi iuan okachi otlanemakaya miek, ompa itech yejo tiankestli omonamikiaya sanmieke tlakame tlen uitse itech mieke altepeme, Ijkuak nana Jovita omokopaya ikalijtik okejkotiaya miek tlamantli; Axka nana Jovita tlauel yolamatsintik machokualti kana yaui. Ema axka kipia majtlaktli iuan eyi xiuitl iuan nuijki opejki yaui tiankesoti.

Ema amo okachi oktlajyouia kenomi isitsi, pampa yionka ojtli okachi patlauak iuan amo oknejnemi kani mokaua mexkalkorral kenomi okatka.

Ema satlauel kuali iyelis miek kitlasojtla isitsi; ijkuak mokopati kani tlapatlati kiualikilia miek tlamantli, kiualikilia itlaxkaltsopelektli pampa ye okachi konuelilia iuan chokoiatsintli.

OKIJKUILO YE TEMACHTIJKETL  
JOSÉ LUIS LEYVA MACHUCA



## TLAJTLANILITLISTLI

Nika xikijto iuan xikikuilo kanin tiankesotui iuan tlen tonali  
nanantsitsinti tlen chanti ompa moaltepe.

---

---

Yejua ¿sanmotlakouia noso nuijki tlapatla?

Tlasanmotlakouia xikikuilo tlani kikoua; tlanochi ome tlamantli  
kichiua, xikikuilo nuijki tlani kipatla.



Kikoua: \_\_\_\_\_

---

---

Kipatla: \_\_\_\_\_

---

---

Tlaotichantiskia iuan mositsi, iuan ye amo okoueliskia  
mitsmonekuitlauis.

¿Tlani otikchiuaskia?

Xikilnamiki nikye nana Jovita amo okouelia tekipanos iuan nuijki  
amo okouelia nejnemis; ijko ye ixuitsi otekipanouaya iuan  
okimonekuitlauia pampa sailiuis okitlasojtlaya.

---

---

## TLAJTOLAUTILIS

luan motemachti omejua onkaultziske ye tlajtolauiltlis

- Ni auiltlistli mochiua ika tlajtolme tlen moijkloua itech amame iuan akinme kiaultzia moneki monechikoske nanaui noso majmakuili.
- Temachtijetl kimikuilos kenomi ompoali tlajtolme iuan tlen kijtosneki sejse tlajtoli. Sejse tlajtoli kimijikuilojtias itech amatsitsinti.
- Ikuak peuas onmaultziske ye omotemachti kinxejxelos amatsitsinti.
- Tlayokinxejxelo amatsitsinti, omejua onsejse kijtos se tlajtoli iuan nochti oksekime kijkuiloske itech iamatlajkuilol tlen onkiyejyekoua kijtosneki.
- Ikuak yinochti ontlajkuilojke, chokotsi tlen okijto tlajtoli axka kijtos tlani kijtosneki iuan nochti oksekime kijitaske koikkiali okijkuilojke noso amo.
- Iko onpanotiaske omonochti iuan okachi totoka onkinmomachtiske oksekime tlajtolme iuan tlani kijtosneki.

Ximonenechikoka ejeyi noso nanaui koneme iuan ximotiapouika tlen onkiuelitake iuan tlen amo ikuak onkaultzijke ni tlajtolauiltlis.



Ijkuak se mauiltis noso se kiaueltis itla moneki achtos se kiyejyekos tlani moneki se kimomachtis noso tlani se kitlanis.

Iuan motemachti ximosenpaleuika iuan xikchiuaka okse auiltilistli tlen omejua onkixmati noso onkiyejyekoske iuan nika xikijkuiloka kenomi moauiltia iuan akinme uilitis mauiltiske.

---

---

---

---

---

---

---

---

---

---

---



Ajauili nochitlen ika ueliti timauiltia.

Nika xikijkuilo intoka ajauilti tlen onkate ompa moaltepe iuan nuijki xikijkuilo kenomi moauiltia.

Xikintlajtlani motataua noso oksekime ueuetsitsinti tlen kate ompa moaltepe ijkuak yejua okatka tsitsinti tlen ika omauiltyaya iuan kenomi omauiltyaya.

Ika tomaseual tlajtoli tejua ikuak titlajtoua tkmopantia nkyetikate mieke tlajtolme Clan moijkuiloua iuan moijtoua tlatlamantli iuan kijtosneki sanse flamantli.

Nika tikimijkuiloua sekime tlajtolme, iuan te tikijtos katliyejme tikimixmati:



chichi	itskuintli
nitiosiui	nixitlatla
etolontsi	kalauansas
tlaltikpaktli	semanauak



## Axka xikinpoua nime tlajtolpamime:

- Se chichi itoka kuikultik iuan kikua miek nakatl, ni itskuintli miek kitlasojtla iteko.
  - Itech mieke altepeme motoka miek kalauansas pampa nochti tlakame kiuelilia iikuak kikua; ni etolontsi ueliti se kikua xoxouik noso uaki.

Ika tlajtolme tlen kate nika; nitiosiui nixitlatla  
semanauak tlaltikpaktli  
xikinchijchiua tlajtolpamime.

Axka te xikintemo iuan xikimijkuilo tlajtolme tlen sanse tamantli kijtosneki iuan moijkuiloua tlatlamantli.


Omonochti xikinsetilika omotlajtoljua iuan xikinchijchiuoka tlajtolpamime pampa ijko amo onkimelkauaske.

Moneki matikilnamikika nuijki kate sekime tlajtolme tlen sanse tlamantli moijkuiloua sekintsi mopatla ikuak titlapoua iuan tlatlamantli kijtosneki, iuan tkmopantia ikuak titlapojtoke noso ikuak titlajkuilojtoke.

Nika timitsintlalilia sekime tlajtolme:

tokallistli  
tlajko  
metstli

Xikinpoua nime tlajtolpamime:



- Notelpoch kitoka miek tlayoli.
- Juan kitoka María iuan amo semi kipanouiti.
- Ne nechkokoua miek notlajko.
- Ne nikucas santlajko memelatsi.
- Ni metstli okikixtilijke se ueuejcho.
- Ipan ome metstli nias nimomachtiti.

Xikintlajtlani motataua, motemachti iuan oksekime tlakame tlen okseki Tlajtolme kimixmati kenomi nime; xikimijkuilo iuan xikinchijchiua sekime tlajtolpamime.

Ika motlajtol axka te xikijto tlen kijtosneki:

Ajauili: \_\_\_\_\_

\_\_\_\_\_

Auilitlistli: \_\_\_\_\_

\_\_\_\_\_



Nika xikixnexti se ajauili iuan xikikuilo kenomi moauiltia iuan keski moneki mamauiltiske.

Xikikuilo tlen tlajtolme otikimitake nika iuan kenomi uelitis tikintokayotis.

Xikilnamiki niksekime tlatlamantli moijuiloua iuan sanse tlamantli kijtosneki iuan oksekime sanse tlamantli moijuiloua iuan tlatlamantli kijtosneki.

\_\_\_\_\_

\_\_\_\_\_

\_\_\_\_\_

# 15

## TLAKAME TLEN OXOCHITLAKATKE

(Ipoualo kenomi oneski altepetl San Miguel Eloxochitla)

Kipoua ueuetsitsinti tlen chanti itech ni altepetl, niktlen yikinika ompa ochantito San Miguel Eloxochitla, yejua sekime tlakame tlen omونextijke ompa kanin motokayotia Tonal, mokaua ikani kisa tonali ipan tepeme iuan kipia kenomi se xikipili iuan makuilli tsontli maitl kani mokaua pampa se asiti tlatlajko altepetl.

Mopoua, tlen yikinika ochantito omونextijke ijlik mieke xochime tlen motokayotia "Eloxochitl" (Ika kastiya tlajtoli kijtosneki xochitl ken ixochio elotl). Ni xochitl yiuejkika omoskaltiaya sailius kualtsi iuan miek. Mopoua nikijuak omونextijke tlen yikinika chanejke nuijki omونexti ye totajsi San Miguel Arcángel iuan se tepostlatsilini tlen otsiliniaya tlauel kualtsi. Nuijki momati nikomomiektilijtajke totoka iuan amo okokakia ompa Tonal, pampa tlauel tsikitsi iuan nuijki pampa ompa semijkak ouetsia tlíkouatl, ijko okiyejyekojke temoske kanin axka mokaua Eloxochitla altepetl.

Mojtoua nikitoka ni altepetl okiski itech ni poualistli, San Miguel pampa ompa omونexti totajtsi iuan Eloxochitla pampa omoxochinextijke tlen yikinika ochantijke ompa Tonal. Ijko techonpouilia tokojkoltsitsiu, ijko nuijki yejua okinpouillijke.

OKINECHIKO NI TLAPOUALI YE TEMACHTIJKETL

JAIMÉ VERGARA ZOTERO

OKIJKUIKO IKA NAUATLAJTOL: XILONEN



## TLAJTLANILITILISTLI

¿Tikilnamik kenomi omonextijke tlakame tlen yikinika ompa ochantito?

---

---



¿Tlani itoka kani omonextijke?

---

¿Akini nuijki omonexti?

---

¿Tleka amo okokineke yeske ompa kani mokaua Tonal?

---

¿Akinme kipoua ni tlapouali pampa amo polius noso elkauis?

---

¿Xiktlali itoka akini okinechiko ni tlapouali?

---

Xikimiljui motataua noso mokojkoltstsitsiu mamitsiljuika akinme achto ochantito ompa moaltepe iuan nika xikijkuilo.

---

---

---

Xikpoua ni tlajtolpoualis:


## TAKOTSI IUAN IYOLKATSITSIUA

Momati nikse takotsi miek okitlasojtlayo itatua, iuan nochí tlen okinekia okikouilliaya; ye okiuelitaya kinpias mieke yolkame, ijko ijkuak aka yolkatl okinekia kipias, itataua sanima okitemoliaya noso okikouilliaya. Ijkuak ye okimopanti yokinpiaya mieke. Se tonali okinyektekpanki nime yolkatsitsinti; se tentso, se itskuintsintli, se mistontsi, se kaxtiltsi, se koyotl, iuan se piokonetl; iuan nime yolkatsitsinti nochí tlen okimiljuiaya takotsi okichiuya; okimiljui mamijtotika iuan omijtotijke, okimiljui matlakuikaka iuan otlakuikake, okimiljui matsikuinika iuan otsjtsikuinke. Ijkuak ye okitak yosiyajke okimiljui mamoseuika iuan ye opejki kintlachichiulia kenomi omijtotijke, kenomi otlakuikake iuan kenomi otsjtsikuinke.

Ijkuak okitake iteko sailius paktok, yejua nochti omo matlaxkalojke.

¿tikneltoka ni tlajtolpoualis?

XILONEN



Nochti omejua maomechpaleui omotemachti iuan nochí tlen ijkuitlitok itech ni tlajtolpoualis xikchiuaka.

Xikimiljui motataua mamitspouilika se tlajtolpoualis tlen momati onka ompa moaltepe iuan xikijkuillo nik; nuijki xiktlalili tlaixnextilme.



---

---

---

---

---

---

---

---

---

---

Axka xikinpouaka nochti tlajtolpoualis tlen omejua onkimijuilojke iuan xikinsetilika ijk uelitis onkichiwaske se amochtli kani mokauas se ueyi ixtlamachilis tlen okaxka sanmopoua pampa amo ijkuilitok.

Nika timitsimijkuililia sekime tlajtolme ikan kakistli U. Axka te xikintekpana ipan koujtsitsinti nochti tlen mokaki kenomi U iuan tlen mokaki kenomi W xikinkalaki ijistik tlatsakuali:

---


---

---

---

---

---



kiauitl  
tlakuikalli  
kouatl  
kuitlapili

kouitl  
ueue  
iljuitl  
kipopoua

tlakuali  
uiuioka  
kipopoua  
iljuikak

Axka yitikmati ni kakistli U mojkuiloua ika se tlaimextilis iuan mopoua ika ome tlamantli.

Te xikintemo oksekime tlajtolme ika ni kakistli iuan ika xikinchijchiua itech moamatlajkuilol sekime tlajtolpamime.

Kenomi te yitikmati nikonkate mieke neskayome iuan kemania mojkuiloua; nika timitsijkuililia se xochitlajtol; axka te xikita kani poliui neskayome xikintlali iuan kani kate iuan amo yauí xikinpopolo.



#### SAMPA TLACHIXKI TONANA ISTAKSIUATL

Sampa tlachixki tonana Istaksiuatl  
kuali mochikajtok ualatlachiato  
yolpaktok ualmeuato

Kiualika tlajlamikilistli  
kiualika pakilstli  
kiualika chikaualistli

Matikselika ika xochitl  
matikselika ika kuikatl  
xochitl iuan kuikatl matijmaktilika

Nochi makimatika  
nochi Anauaktlakame makimatika  
tlachixkia tonana asikoya tonana  
sampa tlachixkia tonana Istaksiuatl

José Antonio Xokoyotsin

Ximonechikoka nanaui noso mamakuili iuan ximoyektlapouika  
tleka moneki mamojkuiloka sekime neskayome ijkuak  
titlajkuilojtoke.

Xikimixnexti nika nochti neskayome tlen yitikimixmati iuan ika motlajtol xikijto kemania motlalia ijkuak se tlajkuilojtok.

Xikimintemo sekime tlajtolme ika kakistli U iuan xikinchijchjua sekime tlatolpamime kenomi ni:

Se ueuetsi amo oktlakaki iuan amo ueli oknejnemli kuali.



Te kenomi tiktililia ijkuak timitstlajtlania ¿tlani kijtosenki se tlajtolpoualis?

---

---

---

---

Omonochti xikpejpenaka se tlajtolpoualis tlen nochti omejua onkimijuilojke iuan xikchiuaka nochti tlen kijtojtok.

# 16

## XINOLA IUAN TLALKIMICHI

Ipoualo tleka okitlalilijke itoka Telpatla.


Kipoua tokojkoltsitsua tlen chantitoke itech ni altepetl, nikse tonali oejkok atl ompa, iuan ika omochi se kualtsi atakalatl maski tsiktsi. Ijkuak oasiko ni atsintli tlen okitlajtlanke sailius opake iuan otlatijtikuinche, okatka miek tlatsotsonali iuan omijtotijke pampa okinekia kiukaske okseka. Ompa iuan atl okatka ye Xinola, se siuatl tluel kuajkualtsi tlen momati ye okimaljuiaya ni atsintli. Ijkuako sanima oejkok se tlalkimichi iuan okiljui xinola ¿luan te kanin tiau?, ne nechuika okseka -otlanankili ye Xinola. Tlani tikchiuati ompa, okijto ye tlalkimichi iuan Xinola okinankili, yejua yonechnotske iuan yinechuikaske, pampa kijta nikompa okachi miek nitekipanos. Iuan tlalkimichi okiljui-amo xiulia ompa ompa ueltlasokio, kitlamotla miek tlasoli, amo oksemi tietos tichipauak semijkak tietos tisokio. Ompa amo tietos kenomi nika, nika semijkak tika tichipauak.

Okachi kuali ximokopa, tiaui, ne nimitsuikas. Ikani techuikas -okijto Xinola- tiaui tipankisatiui, yonimitschiuili ojtili, techtoka, xiktlali motsonkal tlakuitlapa iuan techtoka okiljui ye tlalkimichi. Atl, Xinola iuan tlalkimichi opejki motlatlaloua. Tlajtlanke opejki kintojtoka. Ijko noch i se youali iuan ijkuak yi tlanestok okinekia kasititiui iuan kitsakuiliske. Ye atl iuan Xinola opejki motlatia iuan tlatemojke ualeua okinpolouaya, pampa atl okisaya okseka, mimieka. Kijtaj nikijuak tlatemouani okitaya atl amo uejka kajki okitlamochillaya miek nokpali, uaxme, nochme, tenpixkistli iuan xochime pampa okinekia mamoketsa. Ijkuak yitlanestok opoliuik in atl iuan opejki komoni mimieka, iuan tlajtlanke amo okouelia nejnemiske iuan ijkuak yotlaneski nochti omokopke tetl.

Nime teme axka kate itech ni altepetl Telpatlan; ika tonauatlajtol kajki iuan ika kastiya tlajtoli kijtoneki; kani moyektekpan mieke teme.

OKINECHIKO NI TLAPOUALI YE TEMACHTIJKETL JAIME VERGARA  
ZOTERO

OKIJKUILO IKA NAUATLAJTOL: XILONEN



## TLAJTLANILITILISTLI

Nika xikijkuilo noch i len otikitili ijkuak otikpo poualistli XINOLA  
IUAN TLALKIMICHI.

Mamitstlapouika motataua kenomi yejua kimatí oneski itoka  
omoaltepe iuan xikchiua se poualistli.

---

---

---

---

---

---

---

---

---

---



OKIJKUILO

NIKA XIKTLALI MOTOKA

Xitlajtlani ompa mooltepe kenomi omonexti atl kani tiatlakuiti  
ian nika xikijkuilo.

---

---

---

---

Moneki ye temachtijketl omechtlapouis nochti omejua onkoneme tleka moneki onyeske onchipauake sentetl, omotlaua, omotsotsoljua iuan kanin onchanti.

Pampa uelitis omechiljuis nochti, moneki kichiuas nochti tlen nika tikijkuiloua;

- Kinchijchiuas uejueyi amame kani kijkuilos nochti tlen omechiljuis iuan nuijki kintlalis sekime tlaixnextilme.
- Nuijki moneki kinchijchiuas pilamatsitsinti kani kijkuilos itla iuan ijko amo kelkauas.
- Moneki kijtos noso kiteneuas kani okikixti nochti tlen okijuilo iuan tleka kiyejyekoua moneki onkimatiske iuan onkixmatiske.



Ijkuak omejua onkinekiske makimatika itla oksekime koneme, moneki onkichihiuaske nuijki nochti tlen tlakpak ijkuitlitok pampa ijko okachi kitiliske iuan amo semi kelkauaske.

Ximosesetilika nanaui noso mamakuili koneme iuan xikchiuaka se tekitt kenomi omotemachti okichi. Xikchiuaka santlen omejua okachi onkiuelitaskia makimatika oksekime koneme; kenomi; tlen moneki makikuaka koneme tlen oktsitsinti, tlen yiuejueyi kenomi omejua iuan ueuetstsinti tlen amo okipia itlantsitsiu.



---

---

---

---

---

---

---

---

---

---



Xikintlajtlanika oksekime koneme tlaokitilijke iuan tlamo okitilijke oksejpa xikimiljuika kenomi.

Xiktlatlanika omo nanantsi kenomi mochijchiua se tlakuali noso se atoli iuan xikijkuiloka itech moamatlajkuilol.

Nochti tlen onkinchijchijke xikinsetilika iuan mochiusas se ueyi tlakualamochtli.

Xikilnamiki nikye chiualistli kijtojtok kemania panotok itla.

Nika timitstlalilia se tlajtolpamitl, te xikaxitili noch i tlen te tiknekis makijo kemania panos:



- Ika ni tepostlatektli tiktekis motsonkal mostla.  
Ika ni tepostlatektli tiktekis motsonkal okekentsi.  
Ika ni tepostlatektli tiktekis motsonkal \_\_\_\_\_  
Ika ni tepostlatektli tiktekis motsonkal \_\_\_\_\_  
Ika ni tepostlatektli tiktekis motsonkal \_\_\_\_\_  
Ika ni tepostlatektli tiktekis motsonkal \_\_\_\_\_

Axka xikita iuan oksekime koneme kenomi okaxitijke noso tlaní okikuilojke iuan tigmopantis niktlatlamantli uelitis se tlanankilis.

Onka se chiualistli tlen nuijki ueliti se kiteneuas maski yikin panos.

Nika timitsintlalilia sekime chiualme; Ika xikinchijchiua sekime tlajtolpamime:

chokalistli

auiltlistli

nejnemelistli

ijkuilolistli



Kuali xikpoua tlen nika ijkuititok:

Ijkuak otikijo xochitlajtol " SE MASEUALKONETL"  
nochti ochokake iuan nuijki nochti, nochti,  
omomatlatlaxkalojke.

Nika xikimikuilo nochti chiualme tlen kate itech tlajtolpamitl iuan  
xikijo kenomi uelitis mopatias kijtojtos panotok chiualistli iuan  
panos chiualistli.

#### PANOTOK CHIUALISTLI

---

---


---

#### PANOS CHIUALISTLI

---

---

---



Xikijo katliyejme kakisme omopatlake ijkuak otikinpatlak  
chiualme:

PANOTOK CHIUALISTLI

OPANOK

PANOS

Nika timitsijuililia se tlajtoltlajkuilol iuan xikita niknochi chiualme kate kenomi yopanok; axka te xikinpanolti ipan panos chiualistli.



Se nana oyajki opaxialoto ompa itech se ueyi altepetl itoka Mexko tlalpa. Ye ompa okiko- miek tsotsoli pampa amo tlaulpatio; nuijk okimixmatito mieke yolkame ompa Chapaltepek iuan ompa Xochimilko nuijki oyajki opaxialoto pampa, okiluijke onka se ueyi atl iuan miek xochitl; ijkuak omokopato sailiuis oejkok paktok, pampa okijo niknochi tlen okixmatito sailiuis kualtsi.

Tlayotikpanolti ipan panos chiualistli, xikpoua iuan xikijto kenomi mokaki ni tlajtoltlajkuilol.

Nika xikinpanolti nochti tlajtolchiualme tlen kate itech tlajtoltlajkuilol iuan xikinpanolti itech panotok chiualistli:

OPANOK

oyajki

okiko

\_\_\_\_\_

\_\_\_\_\_

\_\_\_\_\_

\_\_\_\_\_

PANOTOK

yajtok

kikojtok

\_\_\_\_\_

\_\_\_\_\_

\_\_\_\_\_

\_\_\_\_\_

# 17

## TOPAXIALOLIS IKIXTLAUAK

Nochti tejua tlen tikmomachtia eixpa xiuitl tilamachtilistli otechuiak totemachtli ompa ixtlauak otechpaxialoltito iuan otechuiak itech se altepetl itoka tlakoyalko; ompa kajki se ueyi kaltlamachtilistli kani otikimixmatito mieke koneme tlen ompa momachtia.

Ijkuak okiske tlajko tonali tejua otiknekia iuan timaultiske, iuan timotlapouske iuan amo ouelik, pampa tejua amo otikimitiliayo kenomi tlapoua iuan yejoo nuijki amo otechitiliaya kenomi titlapoua.

Totemachtli iuan tejua otimonanauatijke, temachtijkame tlen ompa tlamachtia otechmakake miek tsopelik iuan otechinmamacake sejse auili; tejua ika miek pakilstli otikinselijke iuan otimotlasojkamatike.

Satepa ijkuak yotimokopato. totemachtli otechnechiko ompa tokaltlamachtilis iuan otechiljui: nika itech tomexko tlalpa kate ompoali iuan kaxtoli iuan se maseualtlajtolme. Tlen tejua tikpoua



motokayotia nauatl noso mexijkatl kenomi tejua tiktokayotia, iuan tlajtoli tlen kipoua koneme tlen chanti ompa Tlakoyalko itoka popoloka.

Ijkuak nochi otechixmachtili totemachtli, otechkajteuilli se tektil kanin otikintlaliskia intoka nochti maseualtlajtolme.; otechiljui matikintemoka itech amochme, matikintlajtlanika totataua, tokojkoljua iuan oksekime tlakame.

Axka tejua yitikmati nikamo nochti titlapoua ika nauatl noso mexijkatl, pampa kate mieke maseualtlajtolme; iuan totemachtli otechiljui nikintlajtoli tlen ika timoitilia iuan tlen ika timoitiliske nochti timaseualtlajtoanime ye koyotlajtol tlen motokayotia kastiyatlajtol, iuan maski amo uelkuali tikmomachtiske moneki matikmomachtika, Yejo amo kijtosneki matikelkauaka tomaseualtlajol pampa nuijki ipati kenomi oksekime tlajtolme.

XILONEN



## TLAJTLANILITILISTLI

Tlayotikpo tlajtolijuilo, xikijkuilo nochi tlen otikitili:



---

---

---

---

---

Tikilnamiki Ɂtlani okintliokolijke koneme yejua temachtijke tlen  
kate ompa altepetl itoka Tlakoyalko?

---

---

Nika xikimijkuilo intoka sekime tlajtolme tlen te tikmati mopoua.

Xinkintlajtlani oksekime temachtijke, tlakame, siuame iuan  
motataua tlen okseki tlajtolme kate itech ni tomexko tlalpa;  
santikneki timitsiljuiske kate ompoali iuan kaxtoli iuan se tlajtoli.

Xikpoua tlen nika ijkuilitok:

Yala ijkuak otimonechikojke nika tekiuajkapa otimokajke ijkini:


Nochti tlakame ijkuak mochiwas se  
altepetekitl kipiaske tlen  
tlapaleuiske; iuan akin amo tlapaleuis  
kipia tlen kitemakas eyi tlamamali  
kouitl noso chikome tonali tsauktos  
ompa telpiloya.



Kate sekime tlajtolijuolme tlen techiljuijtoke se chiualo se  
tlanauatili noso se panolistli.

Axka te xikikuilo se tlajtolijuol kenomi nika otimitsijkuililijke;  
Xikikuilo itla tlen om pa mokaltlamachtilis omochi noso mochiwas;  
Xitlajkuilo ijlik ni tlatskuali:






Tlayotikimitak nochti tlaixnextilme tlen kate tlakpak, axka xikijto katliyejme onkate moaltepe iuan kenomi tlapaleuia.

Sekime nika xikimixnexti iuan sekime itech moamatlajkuilol teposme tlen yikate ompa moaltepe; kenomi ye tepostlajtoani tepositalis, teposmekaijkuilol iuan kali kani ejko nochti amatlajkuilolme tlen kintitlani tlen chantitoke itech oksekime altepeme.

Temachtijketl omechiljuis nikitech tonauatlajtol kate sekime tlajtolme ueueyake iuan sekime amouueyake; sekime mouueyaktilia pampa mosetilia ome noso okachi tlajtolme iuan sekime ipa iiko ueueyake.

## Xikpoua ni tlajtolijkui lolis:

Ijkuak peua nitlajkuiloua ika nomaseualtlajtol  
sanimaxikchiua se tlajtolnenepantlamilis, se  
xochitlajtol noso se pamitl; ne nikuelita  
nitlajkuilos ika nonauatlajtol pampa ijko okachi  
nikyolmati, pampa ye notlajtol, ye nokuikak, ye  
ika onineski iuan ye ika nixpolius.



XILONEN

Nika xikimijkuilo nochti tlajtolme tlen te tikyejyekoua omoueueyaktillike pampa omosetilijke iuan xikimijkuilo tlajtolme asitoke tlen ika moyektlalia:

Timitstlalilia se pampa tikmopantis kenomi tikchiuas:  
nomaseualtlajtol no-maseuali - tlajtoli

Axka te xikimikuilo tlajtolme ueueyake iuan amo ueueyake, tlen mosesetilia iuan tlen amo.

Xikilnamiki nikitoka se tlajtolijkUILol kipia tlen mouikas ika tlen kijtojtok noch ikuilitok.

Nika xikijkuilo se tlajtolijkUILol, tejuá nika tikijkuililia itoka.

TOTOME IKA IKUIKAK TECHYOLPAKTIA



---

---

---

---


---

---

---

OKICHI: \_\_\_\_\_  
xiktlali motoka.

TlajtolijkUILol tlen nika tikijkuiloua amo kipia itoka, axka te xiktlalili.



Tlakame tekipanoua itech itlala,  
siuame tlakualchiua pampa kintlamaka  
inkoneua iuan intlakau,  
koneme momachtia iuan tlapaleuia; takome  
inantsi, chokome itajtsi kinpaleuia.  
nochti mosenpaleuia  
nochti itla konchiua  
pampa uelitis monekuitlauiske  
ian amo semi tlajyouiske.

XILONEN

Xikijto tlani tkiyejyekoua, koxkuali kajki mayetoka iuan matikinpiaka tokalijtik noso ompa toaltepe teposme noso kalme tlen techiljuijtoke tlani panotok kani tichanti, itech altepereme tlen techyoualoua iuan tlen panotok itech nochi tomexko tlalpa iuan itech nochi ni tlaltikpaktli.



Nika xikijto katliye onka okachi miek ompa moaltepe iuan tlempa.

---

---


Nika xikijuilo se tlajtolikuilo kanin tikpouas itla tlen opanok ompa mokaltlamachtilis noso moaltepe, iuan te tikneki manochti kimatika.

Amo xikelkaua nikmoneki tiktlalilis itoka tlajtolikuilos tlen te tikchiuas.

---

---

---



### PEDRO MOMACTIA IPAN EIXPA TLAMACHTILISTLI

Ni chokotsi kipia chiknaui xiuitl iuan kajki ipan eixpa tlamachtilistli. Maski itataua amo tomiyejke ye momachtia pampa kiuelita momachtis; ye kijta, kitlijkuak ueyitis kinmonekuitlauis itataua pampa axka kimopantia nikyejua miek tlajyouia pampa uelitis kikouiliske nochí tlen kinejneki ompa kani momachtia.

Ni chokotsi ejko kualkantsi pampa kiuelita ejkos achto kenomi oksekime koneme, sanima motlalia pampa amo kiuelita maultijtos; ikuak itemachti kintlajtlanilia intekiu tlen okinkajteuili makichijchiuaka ompa inkalijitik ye sanima kitemaktilia.



Pampa amo kajuaske; nochí tlen itemachti kintlalilia kichiua totoka iuan chipauak pampa ye kijta pinua ikuak kimajua tlamo kualtsi itla tekitl kichiua.

Ikuak kimiljuia makisaka ye maultia sekintsi iuan iyolikniua iuan nuijki kikua itakatsi tlen kitlalilia inantsi pampa ompa ikalijtik sankikua se tlaxkaltsintli iuan sekintsi atoltsintli; Ikuak tlatsilinia, ye kalaki sanima iuan peua kichiua nochí tlen itemachti kimiljuia. Tiotlaka ikuak kisa yaui melajka ikalijtik, tlakua iuan kipaleuia itajtsi itech itekiu, Ikuak ueyitis chokotsi Pedro yetos se kuali tlakatl.

XILONEN

## TLAJTLANILITILISTLI

Xikijkuilo nochí tlen otikitili ijkuak otikpo tlajtolijkUILoL: Pedro momachtia ipan exipa tlamachtilistli.

---

---

---

---

---

Tikixmati aka konetl tlen kuelita momachtis miek kenomi Pedro; tlatikixmati aka, nika xikijkuilo nochí kenomi ye iuan akinme intataua.

---

---

---

---

Te ijkuak tlami timomachtia, ¿kenomi titepaleuia ompa mokalijtik?

---

---

¿Tikimixmati koneme tlen amo momachtia? ¿Nika xikijkuilo nochí tlen te tikmati tleka amo momachtia.

---

---



Ximonechikoka majmakuili noso chichikuase koneme iuan  
xikisaka, xikitaka noch i tlen onka ompa omokaltlamachtilis iuan  
xikijkuiloka nika noch i tlen onkitaske iuan satepa xikixnextika itech  
ni tlatsakuali:

---

---

---

---

---

---

itech moamatlajkuilol  
Xikijkuilo noch i tlen tikchiua ipan se tonali ompa  
mokaltlamachtilis.

Nika xikijkuilo se tlakuikali tlen onkikuikilia omokaltlamachtilis.

---

---

---

---

Nika timitstlalilia se amatlajkuilol te xikpoua iuan xikjto tlayueli  
tikinchijchiua iuan akini yotktitlanili se.

Axalpa, Kuetlaxkoapa ipan 4 tonali tlen metstli  
junio tlen 1997 xiuitl.



Te nokni

Iljuikamina Koyotl

Kuetlaxkoapa, Kuetlaxkoapa

Itech ni amochtli xikseli se kuali tlajpaloli

ian nikchia kuali xieto panpa nochti tejua iknika kuali tikate.

Nimitsijuililia pampa ytlamis nimomachtis iuan yonechiljui  
notemachtli nikuelika moneki manechkouilika notsotsol pampa  
nochti timosentlakentiske. Tikuikaske totsotsol istak iuan tokakjua  
tlilike, ompa kani te tika mixeuia amo kisas patio, nimitstlatlaljuia  
ompa techkouilli iuan miek nimitstlasojkamatilis.

Ye noch i mitsiljuia mokni tlen mitstlasojtla miek iuan mitschia ipan  
senpoali iuan majtlaktli tonali tlen metstli julio pampa ijkuako  
tikisaske.

mokni tlen mitstlasojtla miek

Andreysi

Te xikikuilo se amatlaikuilol itech ni amochtli iuan satepa xikinchijchiua oksekime iuan xikintitlanili sekime koneme iuan yejua mamitsnankilika nuijki ika amatlajkuilol.

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---



Nika xikikuilo nichi tlen okachi tikuelita tikchiuas ompa mokaltlamachtilis iuan xikijto tlempa.

---

---

---



Xikpoua ni xochitlajtol iuan xikjito tlaotikuelitak; tlaonka se tlajtoli tlen amo tikitilia tlaní kijtosneki, xiktlajtlani motemachti ye uelitis mitsiljuis.

Keman niajsi kampa nitlamachtia  
nochí koneme nechtlapaloua,  
miyak pakilstli nechpoloua  
kese nimati tetillistli uala.  
Naui siuapilme ualoui  
uikatiualoui iuan momaitskitiualoui,  
keman nikinitstejki tsitsikastli  
motlalitoya yeka sanpactoya.  
Amatlaikuiloli inmajtipa kiualikayaya  
makuilpoali amaisuatsi kitemitijtoke,  
nopa siuapil seyok tlajkuilo  
miyak totome kinixkopinto

Teresa Pacheco Montaño



Axka te xikchiuili mokaltlamachtilis se xochitlajtol; Xikikuilo itech moamatlajkuilol.

Ximonechikoka ejeyi noso nanaui koneme iuan xikinpouaka nochti xochitlajtolme tlen onkimikuilojke iuan tlen okachi onkinuelitaske xikinsetilika iuan xikchiuaka se ueyi amochtli.

Nika xikijkuilo noch i tlen onka moaltepe iuan xikixnexti nika noch i tlen onka ompa. Uelitis onkiljuiske omotemacht maomechkixti noso maomechuika xikitati amoaltepe iuan ijko okachi asitok onkichiwaske ni tekitl.

---

---


---

---

---

---

---



### CHANEJKE TOMIYEJKE

Technpouilia tokojkoltsitsua nikyiucejkika okatka se nanantsi iuan itlakatsi sailius moueimatke pampa okipiaya miek tomi iuan ijkuak aka oixpoliuia iuan yejua okimatis amo oyaya tetlajpalotiui sanye itlakeual okittlaniaya makiuika itla.  
Ijko semijkak okichiuya.

Se tonali itlakatsi nanantsi omokoko iuan okimitake mieke tepajtijke iuan amo aka okaxili ikokolis; ijko ouetoka kana se xiuitl, amo okokinekia itla pajtli konis iuan nuijki amo okokinekia itla kikuas; ijko se tonali ni tlakatsintli okiljui isiuatsi ijkuak ne nixpoliuis xikchiua miek tlakuali iuan xikoua miek tlakonilli ijko tikitas nochti tlen chanti ipan ni altepetl peuas ualejkoske pampa nochti kiuelita santlakuaske. Ijkuak oejkok tonali keman oixpoliuik; nanantsi sanima okiyejyeko kinmiktis mieke yolkame pampa ika otlakualchiuaskia: ueuejchome, pitsome, tensonme, piome, kaxtilme iuan se kuakoue; nuijki okijto kiketsas miek nextamali, pampa ika kichiuas miek tlaxkali, ejeyojtamali, nakatamali tsopeltamali iuan miek atoli; ye okiyejyekouaya nikmieke tlakame iuan siuame oejkoskia pampa tlapaleuiske.



Ijkuak okitak nikamaka oejkouaya, okimitato sekime siuame iuan tlakame makipaleuika tlakualchiuaske, iuan okinankilijke tlakineki makipaleuika uelika okintlaxtlauiskia iuan ijko okichi, okintlaxtlau iuan okipaleuijke. Miek tlakuali okichijchijke iuan amo aka oejkok otetlajpaloto sanokintitlanke itlakeualjua makiukaka xochitl, tlaulli, iuan noch i tlen mouika ijkuak aka ixpoliui. Tonali ijkuak omotokaskia amo aka oualejkok iuan okintlakeuato yejua tekitlajtojti makimamaka iuan okipixki tlen okintlaxtlau.

Nochi tlakuali tlen okichi amaka okikua yonyejua tlen otlapaleuijke yonyejua tekitlajtojti; ompa noch oijtlakauik.

Ni tlajtoli techiljuia niknochti tlakame tlen tichanti itech ni tlaltikpaktli moneki matimosenpaleuika ijkuak tikpia se ueyi tekipacholi kenomi ni titomiyejke noso amo.

XILONEN



## TLAJTLANILITILISTLI



Te tlani tikyejyekoua ¿kuali kajki noso amo tlen kichiuya ni nanantsi iuan itlakatsi'?

---

---

---

---

Ompa mooltepe, ¿Tlani kichiua ijkuak aka ixpoliui?

---

---

---

---

Tikmati ¿Kenomi mosenpaleuia nochti ompa mooltepe ijkuak aka kipia se tekipacholi? Nika xikixnexti iuan xikijkuilo kenomi kichiua.

Xikchiua se tlanechikoltajtolme.

Achto xikmati niktonauatlajtol kinpia kaxtoli iuan eyi kakisme iuan motekpana kenomi nika timitsimijkuililia:

a ch e i j k l m n o p s t tl ts u x y

Niujki moneki tikmatis nikijuak mochiua se tlanechikoltajtolme moneki se kitas katliyejme kakisme kinpia se tlajtol. Te xikita tlakpak tekpanatoke nochti kakisme iuan tlen achto kajki ye a iuan kitoka ye ch.

Nika timitsintlalilia sekime tlajtolme:

amo      kana      itla      tonali      nochti


Axka xikita kenomi omoyektekpanke:

amo  
itla  
kana  
nochti  
tonali

Kuali xikita nikitech ni tlatekpanali sanye kakistli tlen tlayekana otikitake iuan oksekime amo.

Axka te xikinyektekpana nime tlajtolme:

etl      atl      istak      xoxouik      kuitlapili



---

---

---

---

---



Ijkuak peua sanika se kakistli nochti tlajtolme moneki se kitas nuijki kakistli tlen kitoka tlen tlayekana, kenomi nime tlajtolme:

atl

akatl

astotl

Itech nime tlajtolme, kakisme tlen kate acho nochtia a

atl  
akatl  
astotl



Iuan kakisme tlen tlatoka yejua: tl k s. Axka te xikpoua iuan xikita itech tlanechikolkakisme kajki acho ye kakistli k, satepa ye ti iuan okachi satepa ye s ; ijko tlase kinyektekpanas ijkini mojkuiloske:

akatl  
astotl  
atl



Ijkuak yetoske tlajtolme kenomi nime: okotl, okotempa, okosauia, tikpia tlen tikitas ye naujpa iuan makuilpa kakistli:


okotl  
okotempa  
okosauia



Ni kijtosneki nikmoyektekpanaske ijkini:

okosauia  
okotempa  
okotl

Nika timitsintlalilia intoka sekime yokame:




pitsotl                ueuejcho                kaxtili  
miston                itskuintli  
tekolotl              masatl                  astotl




tentso  
tochi  
koyotl

Ika intoka yokkame tlen ueliti se tlakualchiua xikchiua se tlajtolikuilol.




Ika oksekime tlajtolme tlen yokkame intoka xikchiua se tlanechikoltlajtolme.

Amo xikelkaua nikuelika moneki tikinyektekpanas.



Axka ximonechikoka iuan xikitaka omotekiu kenomi onkichijke tlaomotlapololti aka xikpaleuika makiyektlali.

Nika timitstlalilia se xochitlajtol xikpoua kuali iuan xikijto  
tlaotikuelitak noso amo.



### CHOKAK NOYOLO

tonana Indira Gandhi itlaijlamikilis

Chokak noyolo  
pampa tekueso nitiyoltoke  
pampa temajmati nititlachixtoke.  
Chokak noyolo  
chokak ika pakilistli  
iknochokak noyolo.  
Chokak noyolo  
pampa onka kuesoli  
pampa onka tekipacholi.  
Chokak noyolo  
pampa nojua onka xochitl  
pampa nojua onka kuikatl  
pampa nojua onka tontlachixtoke.

José Antonio Xokoyotsin

Itech moamatlajkuilo xikimikuilo nochti tlajtolme tlen amo  
tikimitilia noso amo tikmati tlani kijtosneki iuan xitlatlajtlani; uelitis  
tiktlajtlanis motemachti, ye mitspaleuis.


Temachtijketl omechtlapouis niktlatlamantli tikpoua tonauatlajtol  
pampa tlen tikpoua tichanti ipan mieke ueyi altepeme kanin  
topilaltepeme tlatskitoke.

Xikinyektekpanaka nochti tlajtolme tlen nika ikuilitoke:

kouatl  
akoxti  
tototl  
ayojtli

Xokoyotsin  
tsinaka chili  
tlakuatetl

tlatlaxismimikilistli tsompili  
Mem xitomatli tepotskualolistli  
Amalia kolotl nakaskualolistli



YOLKAME

---

---

---

---

TLAKILOME

---

---

---

---

KOKOLISME

---

---

---

---

TOKAYOME

---

---

---

---

Ximonejnechikoka nanaui noso majmakuili iuan xikchiuaka tlanechikoltlajtolme xikmoxejxelilika tekitl; xiktemoka intoka: yolkame, pajme, tlakualme, tlakilome, kokolisme, xochime, iuan miek okse tlamantli.

Onsejse tlanechikolkoneme xikchiuaka sejse tlamantli pampa iko uelitis onkichiwaske se ueyi tlanechikoltlajtol amochtli.



### ANDRETSI IUAN TLATEUILOLI

Ne nikpia se nokojkoltsi itoka Andretsi, ikuak amo kipia tlen kichiwas motlalia itlampa se kouino iuan nechontlapouia miek tlamantli tlen opanok itech ni tomexko tlalpa; ikuak ye nokojkoltsi oyetoka telpokatl iuan omoteui itech tlateuiloli, Ika miele pakilistli iuan ualeua ika miek neyolkokolistli nechoniljuia tlani ye okichi ikuak tlateuiloli; ye okimitaya mieke tokniua otlajyouiya, amo okipiaya tomintsi tlen ika okintlakualtiskia inkoneua, ye nokojkoltsi Andretsi iuan oksekime kuali tlaka omololouaya nochti, ompa omotlapouiaya kenomi kichiwaske pampa tokniua ayekmo otlajyouiskia, Ikuako nonte tonalme se tlakamela itoka Emiliano Zapata omoketski iuan okinkitski teposme, ye okinekia yejua tomaseualikniua makipiaka tlalme kani tlatokaske, kaltlamachtilisme kani momachtiske koneme, kaltepajtijke kani mopajtiske tokniua,

Ye nokojkoltsi Andretsi, okimatki tleka omoteuiaya Emiliano Zapata, iuan itech youalme omotlapouiaya kenomi omokalakiskia pampa tlapaleuiske itech ni moteuiloli ye 1910 xiuitl.



Nokojkoltsi iuan oksekime kuali tlakame omokalakijke itech tlateuiloli, omokalakiaya ijlik uejuey kalme iaxkaua kixtianokoyome okinkixtiaya nochti tlamantli tlen okipiaya kalijlik iuan sanima okinmoxejxelouaya yejua tomaseualikniua tlen amitla okipiaya. Ninme kixtianojme okinpaleuiaya ye ueyi tekua itoka Porfirio Díaz; ni tlakatl otlanauatlijtoya sempoali iuan majtlaktli xiuitl, iuan ye tlauel otlakualani nitra Mexko, ipompatika ye Zapata okintlatlaljui nochti maseualme mamoketsaka ika teposme iuan makikixtika ye Porfirio Díaz.  
Nokojkoltsi nechoniljuia matiktlasojkamatika ye Zapata iuan tinochti matikonilnamikika.  
Ye Zapata okixpolojke nochti tekuiajkame axka motekipachoua ipompatika tomaseualikniua.

OKIJKUIKO YE TEMACHTIJKETL  
JOSÉ LUIS LEYVA MACHUCA

## TLAJTLANILITILISTLI

Ompa mooltepe onka aka tetajtsi tlen te tikmati omosetili iuan Emilio Zapata ikuak tlateuiloli ipan 1910 xiuitl; tlatikmati itla nika xikikuilo iuan makimatika moyolikniua.

---

---

---

Xikijo ¿tlen xiuitl opanok tlateuiloli kani tata Andretsi nuijki omoteui?

---

---

¿Akini iponpatika omoteui Emilio Zapata?

---

---

¿Tlen itoka temachtijketl tlen okikuilo ni tlajtolpouali?

---



Axka tlen tiikyejyekoua, ¿Kuali oyeskia mamochiua okse tlateuiloli kenomi tlen omochi ipan 1910 xiuitl?

---

---

---

## Nika timitstlalilia se tlapoualistli



Te tikmati ¿akini  
okachi ueuetsi tlen nika  
chanti?

Ne nikmati ye tata  
Pedro ¿juan te?



Kijta nikye tata José,

Anmati, nochti ome  
ueuetsitsinti ¿akini  
uelitis tiktlajtlaniske?



Te xiktlajtlaní motata  
iuan ne niktlajtlanis  
ye notata ¿kuali kajki?

Kuali kajki, iuan  
tlayitikmati akini okachi  
ueuetsi tiktitatiui iuan  
tiktlajtlaniske kenomi  
opanok tlateuiloni ipan  
1910 xiuitl.




Kuali kajki, mixeuia ye  
nuijki omokalaki ijkuako,  
timota.

Timota.




Tlapoualistli momaka ijkuak ome noso okachi tlakame  
motlapouia.



Ijkuak se kita se tlaxexeloli noso tikita aka techiljuia itla ika imaua noso techixkochilia nuijki kijtosneki nikitla techiljuijtoke maski amo ika tlajtoli.

Nika timitsintlalilia sekime tlaixnextilme, ipan koujtsitsinti xikijkuilo katliyejme motokayotia tlapoualme iuan katliyejme amo.



Tlase kakistli tikpatla ika se kakispouali, te tiktatis tlani tlajtolme otikimijkuilojke.

Nika timitsintlalilia sekime tlajtolme: achto xikmati tlen kakispouali tiktaka sejse kakistli.

a	1
e	2
i	3
o	4
u	5

Axka te xikinpoua nime tlajtolme:

k3153t1

k523t1

t1m1n1l3

5252

m313

K4JK4LTS3

Axka te xikchiua se tlajtolpouali iuan itoka xiktlalili ika kakispoualme kenomi tlakpak kate tlajtolme.

---

---

---

---

---

Ximonechikoka iuan xikimitaka omotekiu tlaonkitilia noso amo; ni tektil xikchiuaka, kema kualtsi.

Nika xikinchijchiua eyi tlajtolpamime ika kakispoualme iuan xikimititi moyolikniua makipouaka.

Xikyejyeko se tlapouali iuan nika xikijkuilo; xiktlalili itlaixnextilis iuan itoka.

\_\_\_\_\_

\_\_\_\_\_

\_\_\_\_\_

\_\_\_\_\_




# 21



## ISELTI CHOKOTSI

Okatka semi se chokotsi itoka José, otlamatia pampa ye tlachixki iuan nochti iyolikniua okimiljuiaya nochti tlen okinpanouaya iuan nochti tlen yejua okiyejyekouaya tlen iuan mouika, iuan ye amo omomanauiaya itech ueyatl ompa omokauaya se tepitsi, ye omoyeheyekouaya -tleka noteixmajkaua kijta nitlapoloua, ne sanikneki nikinpaleuis- nochti okikajteuaya; José kuali otlayekakia amo kema itla okinmiljuiya maski ye santlen nochti okichiuiiliaya. Semi José omotlali ikaltempa motekipachojtok, iuan okijto ¿tleka amo aka nechtajpaloki? achto nochti onechtajpalouaya, tlani panotok axka; Eduardo nuijki amo ualajtok, iuan ye nechiljuia amo semi nechkaus noselti ¿tleka? no Tiotsi, tleka ijkon techkaua, tleka techinkixtilia noteixmatkaua, tlani amo kuali ne nikchijtok, tleka amo nechtlasoxtla iuan ne nikintlasoxtla nochti koneme itech tlaltikpaktli onkate mieke iuan ne oniknekiskia manochti mopatlaka makipiaka kuali iyelis; iuan ikuak Eduardo oasito oasito iuan okiljui José, tlani timotekipachoua te semijkak tiyolpaktok, techtlapojojpoljui pampa amo nimitslajpaloua, ne ompa nokalijtik nimitsilnamiktok.

Iuan José okijto, ye amo neli ye xolopijkayotl, te otechtemoko pampa tikmatok tikpia se ouijkayotl iuan amo kualti tityektlalis, tikütoitok amo nikmobantia, iuan ne nikmati tleka otechkaite. otechkajte pampa ne amo itla nikpia iuan ne amo itla nimitsmaktilia; ne sanikneki ximoyeheyekoka kuali iuan techtemoka ikuak onkineltokaske tlaneli nomechylolita iuan techtlapojojpoljulka Llamo kuali noteuikalis.

OKIJKUILOJKE YEJUA CHIKUASEMPA  
XIIJITI MMWMACHTLIT(KF WMPA  
KALTLAMACHTILISTLI TLEN MOKAUA  
ITECH ALKOMUNGA, ALTEPETL  
AXALPAN. KUETLAXKOAPA





### TLAJTLANILITILISTLI

¿Tleka amo okokineke kinotsaske chokotsi José?

---

---

¿Kanin oyaya motlayejyekoti pampa amo aka okinotsaya?

---

---

Nitra xikijto ¿Akinme okichijchijke ni poualistli tlen kipia itekipacholis ye José?

---

---

Ompa kanin timomachtia ¿onka aka chokotsi noso takotsi tlen amo aka kinotsa? xikijto tleka.

---

---


Nika xikijuilo kenomi onmouika nocthi omejua tlen onmomachtia ipan eixpa xiuitl tlamachtilistli.


---

---

Omotemachtli ¿kenomi mouika omoua?

---





Onkate sekime kalme kani kate mieke amochme tlen tlase  
kineki kimotlaneuis kintetlanetia. Panpa uelis kimasiske okachi  
totoka kinchijchiua sekime amatsitsinti kaninkitlalia nochi tlen nika  
timitsijuillilia:

1. Itoka tlen okichijchi amochtli.
2. Ipan se koujtsintli se kikuilos itoka amochtli.
3. Itoka kali kanin omomiektilo amochtli
4. Ikakispoualo kanin kijtojtos tlayikinika omomiektilo noso amo.
5. Itoka altepetl kanin omomiektilo iuan xiuitl kema omochi.








Nochi timitsintlalilia sekime pampa uelis tikimixmatis iuan nuijki  
uelis tikinchijchiuas:

Martínez Hernández, Joel  
Naman Xochitlajtolkoskatl  
Universidad Autónoma de  
Tlaxcala  
1era. ed.  
Tlaxcala, 1987

Xokoyotsin, José Antonio  
Xochikoskatl  
Kalpulli Editorial México  
1era. ed.  
México, 1985.

Axka omotemachtli omechtlanetis sekime amochme iuan  
omejua xikinchijchiuaka sekime amatsitsinti kenomi tlakpak kate.  
Nika timitsintlalilia sekime tlatsakualme.



Xikpoua ni tlayejyekoli:


### SE ISTAK KALTSINTLI

Ompa noaltepe  
kani niyetoka  
ome xiuitl  
nikilnamiktok.

Yetoka se kaltsi  
istak iuan kualtsi  
kanin mochantia  
mieke koneme.

Nochti yejua  
kualkantsi  
meua iuan kitilana  
itepostlatektli  
iuau yaui kitoka  
itata  
pampa kipaleuitiui  
ompa imila.

Yejua tlaxaua iuan  
tlatoka  
tlayoli ika miek  
pakalistli  
iuau ijko kololoske  
sintli tlen ika  
motlakaultiske.



OKICHI NI TLAYEJYEKOLI  
TEMACHTIJKETL: FERMÍN RAMOS GUTIÉRREZ

Ijkuak itla se kipoua moneki mase kitili tlen se kipojtok, ni amo  
kijtosneki mase kimokalakili nochitotson tek.

Iyekapa moyolikniua, xikiito nochitlen otikitilli ijkuak otikpo  
tlayejyekoli Se istak kaltsintli.

Axka te xikchijchiua se tlajtolikuilol; xiktlalili itoka amo xikelkaua

Tiyo kichijchijke omotlajtolikuilol, axka xikinmopatilika iuan xikinpouaka.

Axka onsejse xipanoka tlayekapa iuan xikijtoka tlani onkitilijke tlen onkipojke. Ompa onkimopantiske tlayineli onueli kuali onkipouaske itla tlen ijkuilitok.

Te yitilkmati kenomi se kichiua amatlajkuilol, sekime yotikinchijchi iuan otikintitlanili moyolikniua, mokniua, iuan anmati akinme okachi yotikintitlanili axka timitsititiske kenomi mochijchiua se pilamatlajkuilol.

### Xikpoua ni pilamatlajkuilol:

10 tonali tlen xiuitl 1997.

Nonantsi:

Onikitato nokojkoltzi pampa onechkaullijke se tektil ompa nokalhamaachtilis iuan ye uelitis nech paleuis pampa ye omokalaki itech tlateuilo tlen opanok ipan 1910 Xiuitl. Sanimaximokopati.  
mopiltsi  
Chimalpopoka.

Tlayotikpo, otikitak nochitlen kiuika:

1. Tonali kema omochi
2. Akini se kikauilia noso kititlanilia
3. Tlen se kineki se kiljuis akin tiktitlanilia
4. Akin kichijchiua.



Axka kenomi yitikmati tlani kiuika se pilamatlajkuilol xitlanankili nochitlen nika timitslajtlania.

¿Akini okijuilo ni pila matiajkuilol?

\_\_\_\_\_

¿Tleka okijuilo?

\_\_\_\_\_

¿Kemania okijuilo?

Xikchiua se pilamatlajkuilol. Amo xikelkaua nochi tlen kiuika.

---

---

---

---

---

---

Xikjito koxkuali kajki tlamo se ueli kiljuis aka ika tlajtol ueliti se kichijchiuas se amatlajkuilol noso se pilamatlajkuilol. ¿tleka?

---

---

Ika motlajtol xikjito, ¿tleka moneki se kitilis nochi tlen kijtojtok se tlajtolikuilol ikuak se kipoua.

---

---

Nika xikjkuilo tleka moneki mamochijchiuaka amatsitsinti kani onka se kalamochme.

---

---

**22**

## TLANECHIKOLTLAJTOLPANOLIS OLIN

### TLAIXMATIJKAYOTL

Mieke koneme omonechikojke ompa  
kuetlaxkoapa, pampa omochi se  
tlanechikolistli kani koneme  
otlakuikaskia iuan sanse okitlaniskia,  
Okitlanki ye takotsi Luisa Koyotl  
Quiaua tlen ualeua ompa Tesiutla.



CHIKAUALISTLAKAYO  
Itech se altepetl itoka xokotla,  
yetos se ueyi iljuitl iuan ompa  
monechikoske mieke chokome  
iuau takome. Ompa  
kijtoske kanin icha akin kitlanis  
pampa motlatlaloske.

### TLAJTOLCHIUALOLPANOLIS

Ipan ni metstli ueyi tlanauatiani  
Ernesto Zedillo Ponce de León  
Kitlamia ome xiuitl itlanauatiilo;  
yejo kijtosneki oktlanauatiitos  
knaui xiuitl.



## CHIPAUALISTLI

Itech kaltlamachtilistli "Emiliano Zapata"  
nochti koneme tlen ompa momachtia iuan intataua  
omonechikojke iuan omosenpaleuijke  
pampa okichipajke kualtsi noch ialtepe  
iuau kaltlamachtilistli pampa tlailjuichiwaske  
ipan sempoali iuan naui tonali; ikuako itonal  
ye topantli.



## ILJUICHIUALO

Ompa Chilak, kate sekime telpokame tlen  
kualtsi mijtotia motokayotia Santiagojme  
Axka itech altepetl Axalpan, yaske  
mijtotitiui pampa iljuichiualo.



Tlateuiloli tlen omochi ipan  
Kuetlaxkoapa altepetl tikilnamiki  
sejse xiujtika ipan makuilli tonali  
tlen metstli mayo ipan (1862)  
naui tsontli iuan majtlaktli iuan  
eyi poali iuan ome xiuitl.



## TLAJTLANILITILISTLI

¿Tlen itoka tlanechikoltlajtolpanolis?

---

---

Nochi tlen kijtojtok itech tlanechikoltlajtolpanolis, ¿tlani okachi otikuelitak? ¿tleka?

---

---

Tlate omitsnauatiskia xikchijchiua se tlanechikoltlajtolpanolis; Kenomi otikchiuaskia?

---

---

Nika xikikuilo nochi tlen amo otikuelitak tlen kajki ijkuititos itech tia nechikoltlajtolpanolis.

---

---



Ompa mokaltlamachtilis ¿tlen tonali kitlalia tlanechikoltlajtolpanolis iuan kenomi kichijchiua?. Nitra xikixnexti iuan xikijo katliye tlajtoli ika tlajkuiloua ye nauatlajtoli noso okse tlajtoli.



Te xikijkuilo nika se panolistli. Itla tlen te tikmati opanok ompa moaltepe.

---

---

---

---

Ximonejnechikoka iuan xikchiuaka mieke ijkUILolpanolme.

Tlayonkinpia ijkUILolpanolme axka xikchiuaka omotlanechikol tlajtolpanolis.

Amo xikelkaua tikchiuas nochti tlen nika timitsijuililia:

- Xikinpejpenaka nochti panolme. iuan xikitaka kanin yaske
- Xiktemolika itoka omotlanechikol tlajtolpanolis
- Xikitaka kanin onkitlaliske
- Xikijtoka kenomi onkixejaxloske.

Tlanochi yonkipia axka sapolui onkichiuaasker:

- Xikpepechoka itoka omotlanechikol tlajtolpanolis
- Xikinpepechoka intoka tlaxexelolme
- Xininpepechoka nochti ijkUILolpanolme.

Kenomi te yitikmati tokajpatlajke itech tonauatlajtol yejua:

ne  
te  
ye  
tejua  
omejua  
yejua

Pampa kuali tikimilnamiktos xikinchijchiua sekime tlajtolpamime ika nime tokajpatlajke.

Axka xikmati nikate oksekime tokajpatlajke tlen se kinteneua ikuak tiklapouijtoke totatua tokojkoljua noso aka tlen amo tikixmati.

tejuatsi  
yejuatsi  
omejuantsitsinti  
yejuantsitsinti

Nika timitsimijkuillilia sekime tlajtolpamime ika nime tokajpatlajke:  
¿Tejuatsi toyas ompa Mexko tonpaxialoti?  
Yejuatsi onechonajuak pampa amo nitlauelkaki.  
¿Omejuantsitsinti onyaske tekiuajkapa?  
¿Yejuantsitsinti pampa tluel seu nocti omokokojke?.

## TLAJTOLPAMIME

- Nanantsitsinti oyajke itech se ueyi altepetl otlamouisoto.
- Tata Pedro iuan tata Juan omoyaske ompa kalipanka onkikouatiui miek ouatl.
- Nana Rosa yaski ichan nana Petra konkuiti se siuatololi.



Tlayotikinpo nime tlajtolpamime axka tokayome xíkinpatla ika tokajpatlajke, tlalchi timitsimijkuililia.

\_\_\_\_\_ omoyaske ompa

Kalipanka onkikouatiui miek ouatl.

\_\_\_\_\_ yaski ichan nana

Petra konkuiti se siuatotoli.

\_\_\_\_\_ oyajke itech se ueyi

altepetl otlamouisoto.

yejuantsitsinti

yejuatsi

omejuantsitsinti



Nika timitsintlalilia sekime tlajtlanilome xikinpoua:



ijkuak tikochi motsakua  
ijkuak tiisatoke tlapoui  
ijkuak timotekipachoua ixayotemi  
ijkuak tipakteke nuijiki pakteke.  
¿akinme?

(totixtololoua)



Kani tikneki tiaske yejua techuika  
ualeua nuijki sotlauí  
pampa sekime titomauake  
ian sekime tipitsakike  
¿akinme?

(tolikxiúca)

Xilonen

Axka omejua onmosejselti xikinchiuaka sekime tlajtlanilome.

Tlayonkinchijchijke axka ximonechikoka nanaui noso majmakuilli  
koneme iuan xikinpouaka.

Xikimijkuloka itech ueyi amame uian ijkó uelitis onkinpouaske  
nochtí.

Xikchijchiua se tlajtolijkUILol kanin tikintlalijtias sekime tokayojme iuan sekime tokajpatlajke.  
Ijko okachi tikinmomachtis kuali iuan amosemi tikimelkauas.

---

---

---

---

---

---

---

Nika titechtlapoui tleka moneki mamotlali se tlanechikol tlajtolpanolis ompa kani onka se kaltlamachtilistli.

---

---

---

---

---

Ika nochti tlajtlanilome tlen onkimijuilojke xikchiuaka se ueyi tlajtlanilonamoch.

23



## TEJUA TINAUATLAJTOANI

Tejua tinauatlajtoani tichantitoke itech mieke altepeme itech ni tomexko tlalpa: Hidalgo, Kuetlaxkoapa, Morelos, Veracruz, San Luis Potosí, Tlaxcala iuan oksekime ueyi altepeme. Tinochti tlen titlapoua ika nauatlajtoli tiualeua sanse toneljuayo. Yejua tokojkoljua oualeuake ye se altepetl itoka chikomostok, oualeuake kitemojtiuitse tlen okimiljui ye totata; onejnenke miek xiuitl iuan oajsiko kani okatka se kuaujtl kikuajtok se kouatl, ompa omochantijke iuan omoskaltijke iuan opejki kintlanilia intlat oksekime altepeme; ueyi omotlanki intlat yejua nauatlajtoanime okintlanke oksekime altepeme tlen otlapouaya okse tlamantli axka tikita ajachitsi tikpoloijtui totlajtol, timopinaulila titlapouaske ye totlajtol iuan tiktilantoke okse tlajtoli tlen amo toaxka. Yejua telpokame, ichpokame tomechiljuia xikilnamikika niktinochtli tinauatlajtoanime ualeua matikmotlaluika tlani otechkajteuilijke tomexijkalkojkoljua, kenomi ye totlajtol tlen okmopoua itech mieke altepeme.

Tejua maski techita tokalijtik amo uelonka miek tlamantli kenomi ompa ixtlauak yejo amo kijtosneki niktotlajtol amo itla ipati, sanmatikonimitaka sekime kixtianojme tlen uitse uejka ompa altepeme kenomi: Japón, España, iuan oksekime tlauel ueyi altepeme Yejua asikiui itech ni tomexko tlalpa, ejko kuetlaxkoapa, yejua amo sekintsi pinaua, yejua tlapoua ika tonauatlajtol; nuijki kenomi yejua, tejua kualtis timotlapouiske sanika katliye tlajtoli iuan okachi ika tomaseualtlajtol pampa ika otimoskaltijke iuan ijko kualtis tikinmachtiske tokoneua, pampa tlatechita santimopijpinatia ika totlajtol yejua okachi amo kinekiske tlapouaske. Moneki masanse timotiapoulka iuan topiljua, itech toaltepe noso kani mokaua ixtlauak.

OKIJKUILO YE TEMACHTIJKETL  
JOSÉ LUIS LEYVA MACHUCA



### TLAJTLANILITILISTLI

Nika xikijkuilo nochí tlen tikilnamiki otikpo itech tlajtolijuilo: Tijua Tinauatlajtoani.

---

---

---

Xikijkuilo itoka temachtijketl tlen okijkuilo tlajtolijuilo: Tejua Tinauatlajtoani.

---

Itech ni tlajtolijuilo kate sekime altepetokayojme; sekime kate ika maseualtlajtol iuan sekime ika kastiyajtlajtol nika xikimijkuilo iuan xikinsecati:

---

---

---

Tikmati ¿tlani itoka maseualtlajtol tlen te tikpoua?

---

¿Itech katliye ueyi altepetl tlatskitok moaltepe?

---



Itech ni Tomexko tlalpa, kate sekime ueyi altepeme tlen kipia intoka ika nauatlajtol; nika timitsimijkuililia sekime altepetokayojme te xikintlalili tlani kijtosneki:



Oaxaca \_\_\_\_\_

México \_\_\_\_\_

Michoacán \_\_\_\_\_

Chilpancingo \_\_\_\_\_

Kuetlaxkoapa \_\_\_\_\_

Xikitaka tlaomonochti onkintlalilijke sanse tlamantli tlani kijtosneki. Omotemachtli omechiluis koxkuali onkichijke; tlamo, ye omechpaleuis onkiyekchiuaske.

Ximonechikoka nanaui noso majmakuili iuan xiktemoka noso xitlajtlanika tlen okseki altepetl kipia itoka ika maseualtlajtol iuan nuijki xiktlalilika tlani kijtosneki sejse altepetokajyotl.

---

---

---

---

---

---

---

---



Ijko kenomi onkate altepetokajyome ika maseualtlajtol nuijki onkate tlakatokayojme; ni ka timitsintlalilia sekime:

Moktekusoma (axka moteneua Moktesuma)	(nauatl)
Xilonen	(nauatl)
Xokoyotsin	(nauatl)
Tonatiu	(nauatl)
Xochitl	(nauatl)
Xanath	(totonaco)
Sitiali	(nauatl)
Yoloxochitl	(nauatl)
Donayi	(zapoteco)

Axka te xikintemo oksekime tlakatokayojme tlen te tikmati kate ika maseualtlajtol iuan nitra xikimijkuilo.

---

---

---

---

Tlayomonochti onkintemojke tlakatokajyome xikimijkuiloka nochti itech se ueyi amatl pampa ijko onkimitaske amo mojpauiske iuan nochti xikintemolika tlani kijtosneki sejse tokayotl.



Kenomi te yitikmati nikyiu ejkika nochti tlen otlapouaya ika nauatlajtol amo okinelouaya ika kastiyatlajtol noso ika okse maseualtlajtol iuan axka nochti maseualtlajtolme sailius moneneloua ika kastiyatlajtol.

Timitstlalilia ni tlajtolijkUILOL, xikpoua iuan xikijto tlayineli moneneloua tlajtolme noso amo.

"Para nias asta ompa eskuela kani technotsa para se reunión uelika nikmotlalilia nosombrero ikuak nenejnemi porken kamiontsi amo semijkak ejko asta ompa iuan tlamo nimoapuraroua ikuak niualejko yotlanki reuniontsi".

Nika xikinpanolti tlajtolme tlen kate ika kastiyatlajtol iuan xikintlalili kenomi mojtoua ika nauatlajtol.



<hr/> <hr/> <hr/> <hr/> <hr/>	<hr/> <hr/> <hr/> <hr/> <hr/>
-------------------------------	-------------------------------

Axka te xikinkaki tlen chanti ompa moaltepe kenomi tlapoua iuan nochti tlajtolme tlen kate ika kastiya xikimijkuilo nika iuan xitlatlajtlani kenomi mojtoua ika nauatl.



Xikpoua ni tlajtolijuilo; iuan tigmopantis nikate sekime tlajtolme tlen mixeuia te amo tikimixmati; xikinkixti itech moamatlajkuilo; iuan xitlatlajtlani iuan oksekime koneme, iuan motemochti, iuan oksekime temachtijke tlani kijtosneki iuan xikikuilo pampa amo tikelkauas.

### SE UEYI TLAKATL ITOKA SILVERIO PÉREZ

Se tlakatl okatka tlayekanke; opejki itlanauatil ipan naui tsontli iuan kaxtoli iuan se pouali iuan naui xiuitl iuan otlanki itlanauatil ipan naui tsontli iuan kaxtoli iuan se pouali iuan chikuase xiuitl; okimololouaya tlen chanejke tlen okatka in xolal Altepexitl iuan otlatskitoka in altepetl Axalpan satepa ipan naui tsontli iuan kaxtoli iuan se pouali iuan chikueyi xiuitl okitlalijke tekua yejua tlalejke, iuan ikuak otekistik okitlanki mamochiu se ueyi altepetl Altepexitl. Satepa iuan omopaleui tekuiujkame Donato Bravo Izquierdo iuan Adalberto de la Vega pampa yejua okatka iuanpoljua iuan omonechikouaya ompa ikalijtik.

Ye altepetl Axalpan ikuak okitak okikixtilijke Altepexitl itlanauatilo okichi makitsakuilika atl tlen iktlajulia Zavaleta; Silverio Pérez kimatok tlen itekiu ikniua tlalejke tlen yankuik altepetl, okitemo ye tlakatl Bravo Izquierdo iuan de la Vega akiniua okimopantijke intlayejyekol Axalpan tlakame iuan iko okitlanke atl tlen iktlajulia tlen itoka Zavaleta ichanejke Altepexitl.

Kualka ipan sempoали iuan chiknaui tonali tlen metstli mayo ipan naui tsontli iuan kaxtoli iuan se pouali iuan chiknaui xiuitl ikuak okipiaya ompoали iuan chiknaui xiuitl okixpolojke ompa ikalijtik ipompatika itlanauatilo ueyi tlanauatiani Axalpan Miguel Barbosa iuan omomanepano Francisco Mauricio chane ompa Altepexitl. Ni amo kuali tlakatl satepa okitlatlalochijke ika miek tepinauilistli itech ni altepetl.

"Silverio Pérez ye se ueyi tlakatl, iuan ni altepetl Altepexitl kilnamiki ika miek tlaosjkamatilistli.

Okinechiko iuan okikuilo ye temachtijke!





Iuan motataua iuan oksekime tlakame tlen chanti ompa moaltepe, xitlajtlani tlen oksekime altepeme tlen kiyoualoua moaltepe kipia intoka ika nauatlajtol iuan tleka ijko motokayotia iuan tlani kijtosneki. Nika xikijkuilo nochti tlen mitsiljuiske.

---

---

---

Xikijo ¿kuali oyeskia maoksejpa nochti koneme tlen yikintlakati makintlalilika itoka ika maseualtlajtol? ¿tleka?

---

---



Xikchiuaka se amochtli ika mieke tlakatokayojme tlen omejua onkimati kate ika maseualtlajtol.

---

---

---

Xikimijkuloka mieke altepetokayojme, xiktlalilika tlani kijtosneki sejse tokayotl iuan xikchiuaka se ueyi amochtli.


---


---


---


Amo xikelkauaka nikmoneki kuali xikinyektekpanaka panpa ijko, akin kinekis kipouas noso kinekis kitemos se tokayotl okachi totoka kasis.











**Lengua náhuatl de Tehuacán, Puebla**

**Tercer grado**

Se imprimió por encargo de la  
Comisión Nacional de Libros de Texto Gratuitos,  
en los talleres de  
con domicilio en,  
el mes de            de 200.  
El tiraje fue de        ejemplares  
más sobrantes para reposición.

COMISIÓN NACIONAL de LIBROS de TEXTO GRATUITOS

